

公

羊

義

疏

皇清經解續編卷千二百四十

南菁書院

公羊義疏五十二

句容陳立卓人著

成八年
盡九年

八年春晉侯使韓穿來言汶陽之田歸之于齊

來言者何內辭也脅我使我歸之也注以此經加之知見使

即聞晉語自歸之但當言歸疏注以此至言歸○舊疏云其

婁子益于邾婁注善魯能悔過歸之然則若自歸當言歸汶

陽之田于齊今乃如此作文而又言之則知被晉使之非其

本情通義云來言者商量之意不使晉命制乎我也本非齊

地而言歸之于者順韓穿來言辭按此實晉使歸而曰來言

故為內辭也穀梁傳曰于齊緩辭也不盡使我也曷為使我

注若曰為之請歸不使晉命制于我與公羊義同曷為使我

歸之注据本魯邑疏注据本魯邑○舊疏云莊十三年曹子

則君何求曹子曰願請汶陽之田又上二年傳曰反魯衛之

侵地下其經曰取汶陽田以此言之汶陽之田本是魯物明

矣。鞏之戰，齊師大敗，齊侯歸弔死，視疾七年，不飲酒，不食肉。

晉侯聞之，曰：「嘻！奈何！使人之君七年不飲酒，不食肉，請反其

所取侵地。」

注：晉侯聞齊侯悔過，自責高其義，畏其德，使諸侯

還鞏之所喪邑。魯見使卑有恥，故諱不言使者，因兩爲其義。

諸侯不得相奪土地，晉適可來議，語之魯，宜聞義自歸之爾。

不得使也。主書者善晉之義，齊

疏：說苑敬慎云：齊頃公賴逢

問疾七年，不飲酒，不食肉，外金石，絲竹之聲，遠婦女之色，出

會與盟，卑下諸侯，國家內得行義，聲聞震於諸侯，所亡之地

弗求而自爲，來尊寵，不武而得之，可謂能謙免變化以致之

故福生於隱約而禍生於得意，此得失之效也。齊世家云：歸

而頃公弛苑囿，薄賦斂，振孤問疾，虛積聚以救民，民亦大悅。

頃公禮諸侯，竟頃公卒，百姓附諸侯，不犯繁露。竹林云：自是後

諸侯從會與盟，卒終其身，家國安甯，是福之本。生於憂而禍

起於喜也。物之所由然，其於人切近，可不省耶？又王道云：齊

頃公弔死，視疾，是其事也。○注：晉侯至喪邑。○通義云：弔死

視疾勸死士也不飲酒不食肉志復仇也故晉侯高其義畏其德。注魯見至故諱。明經書來言義也。卽穀梁不使盡職之意也。注不言至使也。禮記玉藻云大夫私事使私人賓則稱名。注私事使謂以君命私行非聘也。若魯成公時晉侯使韓穿來言汶陽之田歸之于齊之類然則與莊二十七年傳通乎季子之私行也者別亦以君命行惟對聘問爲私耳。按上二年經取汶陽田與僖三十年取濟西田同文皆當坐取邑則歸之爲善辭矣。春秋爲魯諱爲晉使之恥復作聞義自歸善辭故言歸之于也。所以爲兩爲其義也。

晉欒書帥師侵蔡

公孫嬰齊如莒

宋公使華元來聘疏

左傳宋華元來聘聘其姬也。按以士昏禮準之昏禮首云下達鄭注達通也。將欲與

彼合昏姻必先使媒氏通其言女氏許之乃後使人納其采擇之禮則此聘蓋卽下達也。士禮使媒諸侯不必求媒故使臣下也。

夏宋公使公孫壽來納幣疏

左疏引服虔云不稱主人母命通故稱使婦人無外事按隱二年傳

昏禮不稱主人然則曷稱稱諸父兄師友宋公使公孫壽來
納幣則其稱主人何辭窮也辭窮者何無母也注禮有母母
當命諸父兄師友稱諸父兄師友以行宋公無母莫使命之
辭窮故自命之然則何氏以宋公無母與服云母命不通者
異

納幣不書此何以書注

據紀履繻來逆女不書納幣疏

注據

納幣○隱二年紀

錄伯姬也

注伯姬守節逮火而死賢故詳

履繻來逆女是也

錄其禮所以殊於眾女疏注伯姬至眾女○襄三十年傳外

災伯姬卒焉其稱謚何賢也何賢爾宋災伯姬伯姬存焉有
司復曰火至矣請出伯姬曰不可吾聞之也婦人夜出不見
傳母不下堂傳至矣母未至也逮乎火而死是也下衛人來
賸傳云賸不書此何以書錄伯姬也九年夏季孫行父如宋
致女傳此其言致女何錄伯姬也又晉人來賸傳此何以書
錄伯姬也又齊人來賸傳此何以書錄伯姬也皆以賢故詳
錄之也

晉殺其大夫趙同趙括疏

晉世家云景公十七年誅趙同趙括
族滅之左傳晉趙姬為趙嬰之亡均

諸之於晉侯曰原屏將為亂樂卻為徵六月晉討趙同趙括趙世家云屠岸賈者始寵于靈公及至于景公而賈為司寇將作難乃治靈公之賊以致趙盾徧告諸將曰盾雖不知猶為賊首以臣弑君子孫在朝何以懲舉請誅之盾與諸將攻趙氏於下宮殺趙朔趙同趙括趙嬰齊皆滅其族與左氏傳異

秋七月天子使召伯來錫公命疏

左傳錫作賜易師九二王三錫命釋文鄭本作賜書禹貢

九江納錫大龜史記夏本紀作九江入賜大龜禮觀禮云天子賜舍注今文賜皆為錫蓋右氏多古文故作賜公穀皆今天文改作錫也差繆略云賜公羊作錫趙氏坦異文箋云石經公羊作錫石經穀梁泐注疏本作錫按曲禮正義引左傳亦作來錫公命

其稱天子何注

据天王使毛伯來錫文公命不稱天子疏

注

天至天子○即文元年天

王使毛伯來錫公命是也元年春王正月正也注

正者文不

變也疏

注正者文不變也○毛本正誤王舊疏云据始言之其實二年三年以下之經皆如是說苑君道云孔子

曰文王似元年武王似春王周公似正月文王以王季為父以太任為母以太姒為妃以武王周公為子以泰顒閔天為

臣其本美矣武王正其身以正其國正其國以正天下伐無道刑有罪一動天下正其事正矣春致其時萬物皆及生君致其道萬物皆及治周公載已而天下順之其餘皆通矣注其誠至矣武王似春王春秋稱王不變也

其餘謂不繫於元年者或言王或言天王或言天子皆相通矣以見此誠是非也王者號也德合元者稱皇孔子曰皇象元道遠術無文字德明諡德合天者稱帝河洛受瑞可放仁義合者稱王符瑞應天下歸往天子者爵稱也聖人受命皆天所生故謂之天子此錫命稱天子者爲王者長愛幼少之義欲進勉幼君當勞來與賢師良傅如父教子不當賜也月者例也爲魯喜錄之疏杜云天子天王王者之通稱孔疏天十五稱王者六稱天子者一卽此事是也三稱並行傳無異說故知天子天王王者之通稱也其不同者史異辭耳引公羊此傳云云杜用彼說也按何云皆相通矣者以見刺譏是非則與杜義殊穀梁傳曰天子何也曰見一稱也范注天子

天王王者之通稱自此以上未有言天子者今言天子是更
見一稱其義以稱天子與稱天王者同亦不以爲喪貶所
係也左疏引賈逵云諸夏稱天王畿內曰王夷狄曰天子王
使榮叔歸含且賵以恩深加禮妾母恩同畿內故稱王成公
八年乃得賜命與夷狄同故稱天子與公羊義不合○注其
餘至非也○舊疏云何氏亦順傳文是以獨言元年矣按其
稱王者莊元年王使榮叔來錫桓公命文五年王使榮叔歸
含且賵又王使召伯來會葬之屬是也或言天王者隱元年
天王使宰桓來歸惠公仲子之則八年天王使南季來聘之
屬是也或言天子此文是也通義云皆通者明非刺譏所繫
或言天王或言天子此文是也至尊之稱猶觀禮曰王使人皮弁
用璧勞又曰天子陽含臨文隨稱無有意義按孔義與何義
乖猶杜云史異辭之謬說也莊元年榮叔之下注云不言天
王者桓行實惡而乃追錫之尤悖天道故云爾又文五年王
使榮叔注云去天者含者臣子職以至尊行至尊事失尊之
義也又王使召伯注云去天者不及事刺比失喪禮也又隱
元年天王使宰桓注云言天王者時吳楚上僭稱王王者不
能正而上自繫於天也春秋不正者因以廣是非是則天王
者正稱其稱王者皆有所譏刺與稱天子同唯春下之王正
而不變非刺譏所繫也禮記疏引三禮義宗云夷狄不識王
化無有歸往之義故不稱王臨之也不云皇者戎狄不識尊

極之理皇號尊大也夷狄唯知畏天故舉天子威之也又引
異義許慎謹案春秋左氏云施於夷狄稱天子施於京師稱
王許所引之左氏說蓋即本之賈侍中其說不可通也禮記
曲禮云君天下曰天子是即君臨天下之義鄭注天下謂外
及四海也今漢於蠻夷稱天子於王侯稱皇帝則猶泥於左
氏家說禮記疏又引徐慎服虔說依京師曰王夷狄曰天子
亦即左氏說獨斷王圻內之所稱王有天下故稱王天王者
夏之所稱天下之所歸往故稱天王天子夷狄之所稱父天
母地故稱天子皆不可以說春秋○注王者號也○舊疏云
言正是當時天子之號也白虎通號篇云帝王者何號也號
者功之表也所以表功明德號令臣下也德合天地者稱帝
仁義合者稱王別優劣也王者當王之號三統通稱三王之
前曰五帝繁露三代改制云聖王生則稱天子崩遷則存為
三王紂滅則為五帝下至附庸細為九皇是也○注德合元
者稱皇○文選注引鉤命決云道機合者稱皇初學記引七
經義綱曰以化合神者曰皇三國志注引孫盛評化合神者
曰皇詩疏引中候勅省圖鄭注德合北辰者皆稱皇元即春
秋元年之元隱元年注云元者氣也無形以起有形以分造
起天地天地之始也是也舊疏云謂元氣是總三氣之名是
故其德與之相合者謂之皇皇者美大之名繁露王道篇所
記五帝三皇之治天下是也○注孔子至明蓋○舊疏云春
秋說文宋氏云言皇之德象合元矣逍遙猶勤勤行其德術

未有文字之教其德盛明者爲其說矣風俗通引運斗樞云
皇者天不言四時行焉百物生焉三皇垂拱無爲設言而
民不違道德元泊有似皇天故稱曰皇含宏履中開陰陽布
綱上含皇極其施光明指天畫地神化潛通煌煌盛美不可
勝量道德經上德不德下德不失德禮記疏引河上公注云
下德謂號諡之君則五帝所行也知上德爲三皇之世卽此
象元義蓋卽以德明爲諡矣故繁露三代改制云黃帝之先
諡四帝之後諡何也亦不及三皇注德合至可放獨斷
云帝者諦也象能行天道事天審諦風俗通引書大傳云帝
者任德設刑以則象之言其能行天道舉錯審諦初學記引
義綱云德合天者稱帝三國志注引孫盛評同離騷經帝高
陽之苗裔兮王注德合天地者稱帝蓋皆取德合天地爲義
文有詳略也易是類謀云河龍圖洛龜書聖人受道眞圖易
繫辭上傳河出圖洛出書聖人則之是也注仁義至歸往
○白虎通號篇云仁義合者稱王初學記引義綱云德合仁
義者稱王白虎通引禮記法記仁義所生稱王周書諡法解
仁義所在曰王文選注引稽耀嘉仁義所在爲王韓詩外傳
王者往也天下往之謂之王風俗通引書大傳王者往也爲
天下所歸往也白虎通號篇亦有是語呂覽下賢云王也者
天下之往也繁露滅國云王者民之所往也是也注天子
者爵稱也○禮記疏引異義天子有爵否易孟京說易有君
人五號帝天稱一也王美稱二也天子尊號三也大君與盛

行異四也大人者聖人德備五也是天子有爵古周禮說天子無爵同號於天何爵之有謹按春秋左氏云施於夷狄稱天子施於諸夏稱天王施於京師稱王知天子非爵稱從古周禮說鄭駁之按士冠禮云古者生無爵死無諡自周及漢天子有諡此有爵甚明云無爵失之矣則此與易孟京說同也易乾鑿度云孔子曰易有君人五號也帝者天稱也王者美行也天子者爵稱也大君者與上行異也大聖明德備也變文以著名題德以別操鄭注云臨之九二有中與美異之行應於九五故百姓欲其與上為大君也爵所以稱天子何氏所本也白虎通爵篇云天子者爵稱也爵所以稱天子者王者父天母地為天子也故援神契曰天覆地載謂之天子上法斗極鉤命決云天子爵稱也帝王之德有優劣所以俱稱天子者何以其俱命於天而王治五千里內也尚書曰天子作民父母以為天下王書亡佚篇曰厥兆天子爵又號篇云或稱天子或稱帝王何以為接上稱天子者明以爵事天也是天子為爵稱明矣繁露順命云故德侔天地者皇天佑而子之號稱天子其失有五等之爵以尊之則亦以天子為爵矣舊疏引辨名記云天子無爵非公羊義又引郊特牲云古者生無爵死無諡天子有諡則有爵明矣其說是也○注聖人至天子○詩疏引異義詩齊魯韓春秋公羊說聖人皆無父感天而生左氏說聖人皆有父謹案堯典以親九族卽堯母慶都感赤龍而生堯堯安得九族而親之禮議云

唐五廟知不感天而生駁曰元之聞也諸言感生得無父有父則不感生此皆偏見之說也商頌曰天命元鳥降而生商謂娥簡吞臯子生契是聖人感生見於經之明文劉媪是太上皇之妻感赤龍而生高祖是非有父感神而生者邪且夫蒲盧之氣姬媼桑蟲成爲已子況乎天氣因人之精就而神之反不使子賢聖乎是則然矣又何多怪初學記引演孔圖云天子皆五氣之精寶各有題序以次運相據起必有神靈符紀諸神扶助使開階立達是以王者常置圖錄坐旁以自正也御覽引保乾圖云天子至尊也神精與天地通血氣含五帝精天愛之子之也史記三代世表褚先生引詩傳曰湯之先爲契契無父而生契母與姊妹浴于元丘水有燕啣卵墜之契母得故含之誤吞之卽生契契生而賢堯立爲司徒姓之曰子氏子者茲茲益大也詩人美而頌之曰殷社芒芒天命元鳥降而生商商者實號也文王之先爲后稷后稷亦無父而生后稷母爲姜嫄出見大人迹而履踐之知於身則生后稷姜嫄以爲無父賤而弃之道中牛羊避不踐也抱之山中山者養之又捐之大澤鳥覆席食之姜嫄怪之於是知其天子乃取長之堯知其賢才立以爲大農姓之曰姬氏姬者本也詩人美而頌之曰厥初生民深修益成而道后稷之始也詩周頌時邁曰昊天其子之箋云天其子愛之周禮疏引易緯云三王之郊一用夏正謂各郊其所生之帝如周則靈威仰殷則汁光紀也○注此錫至賜也○舊疏云決文元

年天王使毛伯來錫公命言天王矣彼注云主書者惡天子也古者三載考績三考黜陟幽明文公新即位功未足施而錫之非也然則文公初受命而未有功王賜之故見非但文公年長故稱天子矣按白虎通爵篇引韓詩內傳諸侯世子三之張義言天子受爵命於天子乃歸即位明爵天子有也臣無自年喪畢上受爵命於天子乃歸即位明爵天子有也臣無自爵之義童子亦當受爵命使大夫就其國命之不與童子為禮也彼自謂諸侯三年喪畢受爵之命此蓋天子特命與彼不同也而曲禮有諸侯既葬見天子曰類之禮者彼鄭注云代父受國類猶象也執皮帛象諸侯之禮見也其禮亡蓋天子或巡守至竟故得見天子若未葬則未正君臣雖天子巡守亦不見也○注月者至錄之○舊疏云正以此經書月故知例月然外來朝聘例書時天子錫命則書月魯人喜得王命故詳錄之也

冬十月癸卯杞叔姬卒注棄而曰卒者為下脅杞歸其喪張本

文使若尙為杞夫人疏包氏慎言云十月書癸卯月之二十夫人卒例日即襄三十年夏五月甲午宋災伯姬卒何氏云外災例時此日者為伯姬卒日是也今此已棄而書日故解之其棄者即上五年春王正月杞叔姬來歸是也為下脅杞歸其喪者即下九年春杞伯來逆叔姬之喪以歸傳曰脅而

歸之是也按此亦如大夫見黜例不書卒此紀叔姬被出亦不合書卒此書為下歸喪于杞書亦如公孫敖出奔宜絕因為齊人脅歸其喪故仍書卒皆以殺胎也然內女既為諸侯夫人雖見棄來歸未經改適當有恩禮服如姑姊妹女子子之嫁于國君者也

晉侯使士燮來聘

叔孫僑如會晉士燮齊人邾婁人伐邾

衛人來媵

媵不書此何以書注據逆女不書媵也言來媵者禮君不求

媵諸侯自媵夫人疏

注據逆至媵也○齊疏云蓋通內外言之何者隱二年紀履緌來逆女桓三年

公子翬如齊逆女之屬皆不書媵也○注言來至夫人○白

虎通嫁娶篇所以不聘妾何人有子孫欲尊之義不可求人

為賤也春秋傳曰二國來媵可求人為士不可求人為妾何

士即尊之漸賢不止於士多雖賢不得為嫡莊十九年注云

言往媵者禮君不求媵二國自錄伯姬也注伯姬以賢聞諸

往媵夫人所以一夫人之尊也

公羊義疏五十二

侯爭欲媵之故善而詳錄之媵例時疏左氏傳云凡諸侯嫁女同姓媵之異姓則否彼疏引何氏膏肓云媵不必同姓所以博異氣今左傳云異姓則否十年春齊人來媵何以無貶刺之文左氏爲短鄭箴云曰禮稱納女于天子曰備百姓博異氣於國君直曰備酒漿不得云百姓是不博異氣也何得有異姓在其中齊是大國今來媵我得之爲榮不得貶也劉氏逢祿評曰齊人來媵無貶文者以宋王者之後託其姬之賢爲王后法也諸侯不得博異氣左氏之說然矣鄭又以其禮爲榮則不得貶所謂說之不以其道說也豈春秋之禮乎按劉氏之說亦非公羊義公羊新周故宋無託宋見王之義諸侯不得博異氣亦鄭氏就曲禮強爲之解耳○注伯姬至錄之○通義云隱伯姬賢而不得其所故自納幣迄於致女事事詳錄之○注媵例時○莊十九年秋公子結媵陳人之婦及下九年夏晉人來媵是也

九年春王正月杞伯來逆叔姬之喪以歸

杞伯曷爲來逆叔姬之喪以歸注据已棄也內辭也脅而歸之也注言以歸者與忿怒執人同辭而不得專其本意知其

為魯也。已棄而脅歸其喪，悻義恥深惡重，故使若杞伯自來迎。

之疏注言以至脅也。○舊疏云為讀如子為衛君乎之為也。

子以歸昭十三年秋晉人執季孫隱如以歸是也。不得專其

本意者，正以以者行其意之附故也。是以桓十四年冬宋人

以齊人衛人蔡人陳人伐鄭，傳以者何？行其意也。注以已從

人曰行言四國行宋意，今叔姬之喪言以歸，不得專其本意。

明知杞伯有忿怒，是以知其被脅耳。按左傳杞桓公來逆叔

姬之喪，請之也。注叔姬已絕於杞，魯復強請杞使還取葬與

公羊合。○注已棄至逆之。○禮喪服云：子嫁反在父之室，為

父三年。注謂遭喪後而出者，蓋婦人被出則與夫家義絕，故

仍如在室服三年，以無受我而厚之者也。今伯姬既出，仍

夫家歸其喪，是為恥深惡重，故以杞伯自逆為文，為內諱也。

穀梁傳曰：夫無逆出妻之喪而為之也，彼疏引徐邈

云為猶葬也。言夫無逆出妻之喪而葬，蓋交讓之矣。

公會晉侯齊侯宋公衛侯鄭伯曹伯莒子杞伯同盟于蒲。注不

日者，已得鄭盟，當以備楚而不以罪執之，旋使離叛楚緣隙

潰莒不能救禍，由中國無信，故諱為信辭，使若莒潰非盟失

信所以甚中國因與不潰日相起疏杜云蒲衛地在長垣縣
○春秋之例不信者日今雖得鄭盟旋即執不以罪即下晉
人執鄭伯僖四年傳稱人而執者非伯討也是也又下楚公
子嬰齊伐莒莒潰亦無中國救莒文其不信已明理合書日
今不日故解之○注使若至中國○舊疏云謂其作信辭也
所以甚惡中國之無信矣○注因與至相起○舊疏云其言
因非正為之辭矣言此盟不日非直甚中國之無信亦因欲
起其下潰書日者乃是中國無信同盟不相救至為夷狄所
潰矣言相者兩事相共之辭則下潰書日亦起此盟之不信
矣通義云下旋執鄭伯不日者嫌罪鄭不信故從小信辭明
鄭伯實不背盟晉執之非乃與下稱人以執意相發也然同
盟國多矣即為小信辭無以別其為鄭不
背盟中國之失自在稱人以執見之也

公至自會

二月伯姬歸于宋

疏通義云錄伯姬詳矣獨不書逆人者宋公

女不書
常例也

夏季孫行父如宋致女

未有言致女者此其言致女何錄伯姬也注古者婦人三月

而後廟見稱婦擇日而祭于廟成婦之義也父母使大夫採

禮而致之必三月者取一時足以別貞信貞信著然後成婦

禮書者與上納幣同義所以彰其絜且為父母安榮之言女

者謙不敢自成禮婦人未廟見而死歸葬於女氏之黨疏舊

云未有言致女者謂春秋無此經也注古者至義也禮

記曾子問云三月而廟見稱婦也注擇日而祭于廟成婦之

義也注舅姑沒者也必祭成婦義者婦有共養之禮猶舅姑

存時注盟饋特豚于室故詩疏引易歸妹鄭注及箴膏肓皆引

士昏禮婦人三月而後祭行則雖見舅姑注尚未祭行猶未成

婦也其成婦雖待三月其昏則當夕成矣故注士昏禮其夕祗

席於奧良席在東皆有枕北注主人親脫婦纓燭出注昏

禮畢將臥息又詩疏引駁異義云昏禮之莫枕席相連也此

鄭氏之義若賈服之義則隱八年左傳先配而後祖疏引賈

云配成夫婦也禮齊而未配三月廟見然後配曾子問正義

云若賈服之義大夫以上無問舅姑在否皆三月廟見乃始

成昏故識公子忽先為配匹乃見祖廟又引此如宋致女下

服注云謂成昏按何氏之義亦與賈服同故白虎通嫁娶篇
娶妻不先告廟者示不必安也昏禮請期不敢必也婦入三
月然後祭行舅姑既沒亦婦入三月奠采于廟三月一時物
有成者人之善惡可得知也然後可得事宗廟之禮曾子問
曰女未廟見而死歸葬於女氏之黨示未成婦也列女傳貞
順篇宋恭伯姬魯宣公之女成公之妹也其母曰穆姜嫁伯
姬於宋恭公恭公不親迎伯姬迫於父母之命而行既入宋
三月廟見當行夫婦之道伯姬以恭公不親迎故不肯聽命
宋人告魯使大夫季文子如宋致命於伯姬明古皆三月廟
見乃成夫婦也故列女傳貞順篇又云齊孝孟姬華氏之長
女齊孝公之夫人也好禮貞壹齊中求之禮不備終不往齊
國稱其貞孝公聞之乃修禮親迎于華氏之室遂納於宮三
月廟見而後行夫婦之道是也○注父母至致之○禮記坊
記云于昏禮婿親迎見于舅姑舅姑承子以授婿恐事之
違也以此坊民婦猶有不至者鄭注父戒女曰夙夜無違命
母戒女曰無違宮事不至不親夫以孝舅姑也春秋成公春
二月伯姬歸于宋夏五月季孫行父如宋致女是時其公不
親迎恐其有違而致之也其云宋其不親迎本之列女傳以
不親釋不至亦即不肯聽命之意似鄭氏此解亦以致女爲
成昏然何氏之意則以大夫妻致女是常禮如列女傳義則似
因共公不親迎特使大夫致之令其無違則又少殊也故曲
禮鄭注云壻不親迎則女之家遣人致之正義云壻不親迎

則女之家三月廟見使人致之以成九年二月伯姬歸于宋
時宋公不親迎故魯季孫行父如宋致女是也按曲禮云納
女於天子曰備百姓於國君曰備酒漿於大夫曰備埽灑注
納女猶致女也此其辭也是也然鄭氏以此專指不親迎者
言似未達穀梁傳曰婦人在家制于父既嫁制于夫如宋致
女是以我盡之也范云刺已嫁而猶以父制盡之又曰不正
故不與內稱也范云內則謂制使彼疏引徐邈云宋公不親
迎故伯姬未順也為夫婦故父母使卿致伯姬使成夫婦之禮
以其責小禮違大節故傳曰不與內稱謂梁故列女傳本之徐
是宋公不親迎者穀梁家說子政習穀梁故列女傳本之徐
氏責伯姬之解過矣○注必三至婦禮○禮昏禮云若舅姑
既沒則婦入三月乃奠菜注必三月者三月一物有成者人之善
惡可以成之故也亦即白虎通三月一物有成者人之善
姑三月亦廟見舅若舅存姑沒婦人無廟可見或更有繼姑
自如常禮賈疏謂姑沒舅存則不行奠菜之禮也褚氏寅亮
云庾氏蔚之謂舅姑偏有沒者見其存者不須見亡者豈廟
廟可以不見乎崔氏靈恩謂盟饋於存者廟見於亡者當舅
見在姑未有專廟又何出而見乎皆屬一偏之見疏謂婦人
無廟以舅尚在則權附於皇祖姑之廟耳既入皇祖姑之廟
矣乃竟專見姑乎事有難處故姑沒舅存斷以不見為正三
月祭行達禮也三月祭菜變禮也不可混而為一孔穎達謂

奠茶之禮適婦乃得行之庶婦則否矣按曾子問疏云此盥饋廟見皆謂適婦其庶婦按士昏禮庶婦則使人醢之婦不饋注云使人醢之不饗也不饋者共養統於適也是庶婦不饋亦不廟見也昏禮唯云不饋不云不見則庶婦亦當以果栗脯修見舅姑也雖厥明見舅姑仍三月見祖廟所以示成婦也故詩魏風葛屨云言女手者末三月未成爲婦是也劉氏見然後執婦功箋云言女手者末三月未成爲婦是也劉氏而有其昏禮鄭氏據此謂天子諸侯大夫昏禮與士昏禮不同賈服釋左氏以大夫以上無問舅姑在否皆三月見祖廟之後乃始成昏今按見於列女傳者莫著於宋恭姬三傳舊注皆主此義次之者則有齊孝孟姬其位皆諸侯夫人則賈服所謂大夫以上先廟見後成昏者信有徵矣鄭婦嬀所配者公子忽位在諸侯夫人下卿大夫內子命婦上所行若彼則鍼子所以議先配後祖矣文四年逆婦姜于齊穀梁責其成禮于齊較諸公子忽更爲非禮然則觀於春秋喪伯姬穀梁貶婦姜左傳譏鄭嬀列女傳嘉孟姬可知大夫以上有之禮不同於士之昏禮矣士以下無致女之儀大夫以上有之其辭載於曲禮天子諸侯大夫三月廟見然後成昏士庶人當夕成昏故有致不致之殊非第以位尊卑之別也士以下無反馬大夫以上有之見於左傳象著於易爻致女者婦家之禮不親迎則必致女親迎則不致女反馬者夫家之禮不

親迎固當反馬親迎亦當反馬然則大夫以上先廟見後成
昏者致女之禮或不盡行而反馬之禮未有不行蓋婦入三
月然後祭行祭行然後成昏成昏然後反馬故無論舅姑在
否皆有反馬之儀反馬與留車相對鄭箴膏肓云留車妻之
道也反馬者之義也留車者備其大歸反馬者示其偕老必
俟反馬以後乃婦道克成當其反馬以前猶慮夫家見棄夫
婦之禮夫得去婦不得去夫故聘幣既行雖未娶而夫名
已定祖廟待見雖已嫁而婦道未成蓋一以輔教女之禮也
古者女子皆有姆教既教於未嫁之先復教於既嫁之後而
寒素者多歛抑富貴者每驕矜故士之女易於信從大夫以
上難於聽受是以先嫁三月教於公宮宗室此士以下所共
也初嫁三月教以待見祖廟此大夫以上所特也三月成婦
與三月教成皆取一時可以有成之義一以慎擇婦之禮也
古者爲子擇婦將聘必審其家世既娶必祭其性情惟是士
以下之擇婦止繫乎閨門故先成昏而後廟見大夫以上之
擇婦有關乎家國故先廟見而後成昏昏當夕成昏次日卽成
婦也曾子問曰三月而廟見云云大夫以上昏禮蓋廟見始
成昏故三月乃成婦也必至三月者經歷一上昏禮蓋廟見始
情之賢然後妻可以事夫媵可以事君子婦可以奉宗廟壻
可以見外舅姑而擇婦之禮成一以全出妻之禮也夫婦之
際義合則留不合則去故大歸書於春秋禮有七出之文願

士以下其勢易行大夫以上閭閻多崇其情難處先王於易
於出者使之先成昏後廟見難於出者使之先廟見後成昏
仍得以處子吹適於嚴峻之中寓忠厚之意傳所謂棄妻令
可嫁者施諸尚未成昏者尤見確切要之土以下無世祿居
必狹隘罕有異宮大夫以上有世祿居必寬宏且多別館無
異宮者成昏必在當夕有別館者成昏可俟異時士庶嫁娶
多遲成昏於旦夕無遲莫之憂天子諸侯大夫嫁娶較早成
昏於異時則無太早之慮此大夫以上三篇極爲詳晰擇其
揆之人情固非窒礙難用也凡上中下三篇極爲詳晰擇其
要者惟以親迎則不致女非公羊義○注書者至同義○上
八年宋公使公孫壽來納幣傳納幣不書此何以書錄伯姬
也注伯姬守節逮火而死賢故詳錄其禮所以殊於眾女今
此書致女亦詳錄義也列女傳云春秋詳錄其事爲賢伯姬
用公羊義也○注所以至榮之○何校本潔作絜按潔乃俗
字紹熙本正作絜舊疏云重得父母之命乃行婦道故曰所
以彰其絜也其女當夫非禮不動光照九族父母得安故曰
榮之毛詩周南葛覃序云后妃在父母家則志在於女功之
事躬儉節用服澣濯之衣尊敬師傅則可以歸安父母亦其
義也据舊疏義明亦三月後致女後始成昏矣其姬以未親
迎不肯聽命故必得父母之命也○注言女至之黨○禮記
曾子問云女未廟見而死則如之何孔子曰不遷于祖不祔
于皇姑婿不杖不菲不次歸葬于女氏之黨示未成歸也鄭

注遷朝廟也。婿雖不備喪禮，猶爲之服齊衰也。疏其女之父，母則爲之降服大功，以其非在家，婿爲之服齊衰期，非無主也。又雜記云：女子附於王母，則不配。注：配謂并祭也。王母不配，則不祭。王父也。女子謂未嫁者也。嫁未三月，猶歸葬於女氏之黨。按此之廟，見卽上文之三月而廟見也。廟見卽祭也。卽昏禮之奠菜也。與昏禮記之祭行別。彼云：然後則不必適三月。若廟見，則必三月行之。廟見之後，無論何時，適遇祭事，卽得助祭。韋氏協夢儀禮集解云：祭謂四時常祭。祭行，謂至是遇有祭祀，婦乃行也。程氏瑤川通攷錄云：助祭兼適婦庶婦言。賈疏惟指適婦未備，若三月廟見，則惟適婦以廟見奠菜。象盥饋庶婦，不饋則亦不奠菜也。然則三月之前，雖有祭事，婦亦不行。不行者，未成婦也。萬氏斯大禮記偶箋云：三月廟見，卽士昏禮所謂婦入三月，然後祭行也。謂祭於高曾祖禰。此指舅姑在者言。擇日而祭于禰，卽士昏禮所謂舅姑既沒，則婦入三月，乃奠菜也。孔氏謂廟見祭禰，只是事然則舅姑在者，高曾祖之廟，婦可以不見乎？按萬氏以廟見與祭禰分別。舅姑存沒可也。謂廟見卽祭行，則謬。胡氏培翬儀禮正義云：曾子問所云廟見，是專指舅姑沒者在者。其所云祭禰，卽此經之奠菜。指舅姑沒者，非謂舅姑沒者止行祭禰而別無廟見。又非卽祭禰爲廟見。如注疏家之說，與萬氏大同。按曾子問廟見祭禰，常是一事。謂舅姑沒者，其高曾祖廟自當於祭行時及之。蓋廟見止如舅姑在時之厭明之見舅姑也。

故亦止于禰耳擇日者雖在三月之限必擇吉日敬之至也
劉氏毓崧謂大夫以上贊醴婦婦盥饋餘及舅姑饗婦之
禮今無明文可證然昏義謂贊醴婦為成婦禮婦以特豚饋
為明婦順舅姑饗婦降自阼階為者代皆係成婦之禮士
以下次日已成婦其禮自當行於廟見之後按三月不成昏可也未及
乃成婦其禮似當行於廟見之後按三月不成昏可也未及
三月并舅姑亦不見揆諸人情恐未盡洽蓋婦者對舅姑之
稱亦係已昏未昏之別昏義所謂婦禮婦義就士昏禮釋之
無婦字則不辭不必為此正名之稱則大夫以上舅姑若在
即預行盥饋諸禮亦無不可似未必見舅姑後即歸而不女
也

晉人來媵

媵不書此何以書錄伯姬也注義與上同復發傳者樂道人

之善疏

注義與上同謂亦如上書致女皆與書納幣同矣

秋七月丙子齊侯無野卒疏

包氏慎言云七月書丙子月之三日

晉人執鄭伯疏

僖四年傳例曰稱人而執者非伯討也左傳曰鄭伯如晉晉人討其貳於楚也執諸銅鞮樂書

伐鄭鄭人使伯嚭行成晉人殺之明執不以罪矣

晉欒書帥師伐鄭

冬十有一月葬齊頃公

楚公子嬰齊帥師伐莒庚申莒潰

注日者錄責中國無信同盟

不能相救至為夷狄所潰

疏

十一月無庚申杜氏長厯謂是年閏十一月也○注日者至所

潰○舊疏云凡潰例月即僖四年春王正月蔡潰文三年春

王正月沈潰之屬是也今而書日故解之義具上公會晉侯

以下同盟于蒲注通義云潰日者惡楚比克莒二都暴

中國之甚故伐莒錄名氏入運稱人示貶也義亦可通

楚人入運

疏通義云文十二年行父城運則運本內邑是時蓋已叛屬莒內邑不言叛故經無明文郡國志琅邪

東莞有鄆亭

所謂東鄆也

秦人白狄伐晉

鄭人圍許

城中城疏

杜云魯邑也在東海廩丘縣西南大事表云經於成

丘者非是定六年高氏開曰時公之所有中城而已汪氏克

寬曰定公豈能役眾修城益陽虎欲去三家將挾公以自固

耳按高注說亦無据一統志中城在海州沐陽縣西按厚丘

城在沐陽縣北四十六里續志東海厚丘縣下劉昭引杜預

注今刊本訛為廩丘一統志於曹州古蹟亦

引中城在范縣東南即承此注廩丘之譌

皇清經解續編卷千二百四十終

昭文孫同康參校

子汝恭校字

皇清經解續編卷千二百四十一

南菁書院

公羊義疏五十三

句容陳立卓人著

成十年盡
十四年

十年春衛侯之弟黑背率師侵鄭

夏四月五卜郊不從乃不郊

其言乃不郊何注据上不郊不言乃僖公不從言免牲也疏

注据上至牲也。○上七年夏不郊猶三望是不郊不言乃也。僖三十一年夏四卜郊不從乃免牲猶三望是其不從言免牲也。不免牲故言乃不郊也。注不免牲當坐盜天性失事天之

道故諱使若重難不得郊。疏注不免至得郊。○穀梁上七年

司元端奉送至于南郊所以重天牲也。此不言免故爲失事。天道坐盜天性也。公羊問答云云問當坐盜天性何也曰此漢律也。書微子殷民乃攘竊神祇之犧牲牲用以容將食無災傳竊天地宗廟牲用相容行食之無災罪之者言政亂疏漢

魏以來著律皆云盜郊祀宗廟之物無多少皆死爲特重故也。據此知何氏以漢法況之通義云不免牲失禮故譏之也。言免牲則不郊可知。言不郊而不言免牲則不免牲亦可知。云諱使若重難者宜八年傳而者何難也。乃者何難也。曷爲或言而或言乃乃難乎而也。故乃爲重難詞也。穀梁傳五卜強也。乃者亡乎人之辭也。通義又云五卜非禮不發。傳者四卜猶瀆過此可知矣。一發傳一不發傳其義同也。

五月公會晉侯齊侯宋公衛侯曹伯伐鄭。注不致者成公數卜

郊不從怨懟故不免牲不但免牲而已。故奪臣子辭以起

之疏。校勘記云諸本同。唐石經缺解云此經公會晉侯宋公得意致會不得意致伐。注此謂公與二國以上也。此皆不致故如此解。成公數卜郊不從。卽此上文五卜郊不從是也。五卜郊故云數。注不但至而已。舊疏云謂成公意卒竟而不復郊。知如此者正以不免牲上文已有說。今此仍不致故知更有罪也。注故奪至起之。桓二年注凡致者臣子聲其君父脫危而至今不致故爲奪。臣子辭舊疏云桓元年注云不致之者至故復脫奪。臣子辭成誅文也。義亦通於此。

齊人來媵

媵不書此何以書錄伯姬也疏

穀梁傳於九年晉人來媵云

以伯姬之不得其所故盡其事也八年衛人來媵傳同此不發傳義亦宜同皆與公羊合

三國來媵非禮

也曷為皆以錄伯姬之辭言之婦人以眾多為侈也注侈大

也朝廷侈於妬上婦人侈於妒下伯姬以至賢為三國所爭

媵故侈大其能容之唯天子娶十二女疏

注侈大至容之○校勘記出故侈大

其能容之云解云考諸舊本大上無侈字按上云侈大也故此云大其能容之舊本是今衍公羊問答云問何為婦人以眾多為侈也曰此如詩維鵲有巢維鳩盈之傳盈滿也箋云滿者言眾媵姪娣之多是婦人以多為侈之證惠氏士奇春秋說云內女嫁於諸侯惟紀叔姬宋共姬書之最詳故媵不稱婦而叔姬書婦以其節婦不書媵而其姬之婦書三國來媵以其賢公穀二傳皆以為詳其事而重錄之實得春秋之義俗儒謂三國來媵為非禮如其然則內女嫁於諸侯豈皆無媵其來媵也豈盡合禮曷不皆書獨此賢女共姬之婦而備書之以示譏哉且書來聘書納幣書致女此獨屢書其未

歸也衛人來媵其既歸也齊晉大國亦來媵未聞內女之嫁
若是否公羊所謂婦人以眾多為侈者不其然乎朝廷侈於
妬上二語疑有成文舊疏云妬其有賢才而居於已上位者
是朝廷侈之妬也不能容眾妾而妬惡之者是婦人妬也○
注唯天至二女○校勘記云鄆本同閩監毛本娶作取按釋
文作取云七住反本或作娶疏本標注作娶舊疏云保乾圖
文孔子為後王立制非古禮也白虎通嫁娶篇或曰天子娶
十二女法天有十二月萬物必生也後漢荀爽傳眾禮之中
昏禮為首故天子娶十二月萬物必生也諸侯以下各有等差事
之降也陽性純而能施陰體順而能化以禮濟樂節宣其氣
故能豐子孫之祥致老壽之福蓋亦本此為說獨斷云帝嚳
有四妃以象后妃四星其一明者為正妃三者為次妃也九
嬪夏后氏增以三三而九合十二人春秋天子一娶十二夏
制也檀弓注云帝嚳而立四妃矣象后妃四星其一明者為
正妃餘三小者為次妃帝堯因焉至舜不告而娶不立正妃
但三妃而已謂之三夫人夏后氏增以三三而九合十二人
春秋說云天子娶十二即夏制也以虞夏及周制差之則殷
人又增以三九二十七合三十九人周人上法帝嚳立正妃
又三二十七為八十一人以增之合百二十一
人然則娶十二者春秋監前代以為後王法與

丙午晉侯孺卒注不書葬者殺大夫趙同等疏包氏慎言云五
月書丙午五月

無丙午四月之七日也○注不書至同等○殺大夫趙同等見上八年舊疏云春秋之義君殺無罪大夫例不書其葬世其合絕之是以傷九年晉侯說諸卒何氏云不書葬者殺世子也是也左傳晉侯夢大厲被髮及地搏膺而踊曰殺余孫不義注厲鬼也趙氏之先祖也八年晉侯殺趙同趙括故怒蓋趙同等無罪被殺故或致妖厲為祟與

秋七月

公如晉注如晉者冬也去冬者惡成公前既怨懟不免牲今復

如晉過郊乃反遂怨懟無事天之意當絕之疏注如晉至絕

常謂之誤舊疏云謂明年三月公至自晉是過郊乃反是無事天之意包氏慎言云七年春王正月縣風食郊牛角改卜牛踐風又食其角注引京房易傳曰祭天不慎踐風食郊牛角書又食者重魯不覺悟重有災也異義公羊說踐風初食牛角咎在有司又食咎在人君成公七年郊因踐風食牛角而不郊至十年卜郊不從不知罪已思改更以奉天以卜不從而郊又不免牲何注坐以盜天牲五月公會晉侯衛侯等伐鄭不書致伐奪臣子喜君脫危而反之辭則盜天牲者宜坐誅責之罪冬公如晉過郊時乃反則怨懟無事天之意故絕之以為君天下而不謹於奉天者戒記曰逆天地者罪

及五世言禍至之無止時也立君以奉祀
曠於祀事即當從廢疾例黜退重祭主也

冬十月疏校勘記云此本鄂本閩監毛本皆脫唯唐石經有之

注云去冬者惡成公然則石經有此三字與公羊經異錢大昕云何

石經未必是歷來版本未必非也按無者是也經熙本亦無

此三字唐陸渚春秋集傳纂例亦云無此三字係氏志祖讀

書勝錄續編云公羊成十年經公如晉與秋七月休注云如晉者冬

也去冬者惡成公云云按公如晉與秋七月休注云如晉者冬

七月如晉也左傳秋公如晉可證左穀經文於此年未有冬

十月三字公羊經文偶脫爾而何氏乃妄造為去冬之說以

如晉為冬時惡成公而不書冬謬戾甚矣且謂成公以卜郊

不從遂怨懟而如晉亦非理也按左氏不可說公羊孫氏膚

淺之徒無足辨也浦鏡云中庸疏云成十年不書冬十月公

羊無此三字今有者後人妄增當為衍文是也段氏玉裁經

韻樓集今本左氏春秋經成公十年有冬十月自唐石經已

然公羊唐石經經亦有之穀梁唐石經已初不可知今按凡

有者皆謬也禮記中庸注曰述天時謂編年四時具也正義

言春秋四時皆具桓四年七年不書秋七月冬十月成十年

不書冬十月桓十七年直云五月不書秋七月冬十月直云二

月不云冬如此不具者賈服之義若登臺而不視朔則書時

不書月若視朔而不登臺則書月不書時若雜無事視朔登

臺則空書時月若杜元凱之義凡時月不具者皆史闕文據
正義則成十年經左氏無冬十月矣孔冲遠所見如此唐石
經乃妄增三字不可從今一切宋元以下本皆誤其公羊唐
石經亦誤增三字而宋槧官本及明時注疏刊本皆無此古
本之流傳未泯者也考是年經云秋七月公如晉何休云如
晉者冬也去冬者惡成公當絕之何氏以下文無冬十月故
知公如晉在冬而經去冬以惡之秋七月為無事首時過則
書之例假令下有冬十月則何豈得云爾其不云去冬十月
者知公如晉在冬而不在何月也若穀梁經今本皆有冬
十月亦必後人所增倘穀梁有而左氏公羊無之陸氏釋文
必注之曰左公羊二傳無於其無此注知穀梁亦決無此三
字也陸氏作釋文時三經皆無此三字故此三字之有無不
能證之於音義桓四年七年無秋冬成十年無冬十月桓十
七年五月無夏昭十年十二月無冬皆見中庸正義又正義
失引者定十四年城莒父及霄之上無冬字凡此皆三經所
同何以為貶絕范則云未詳杜則謂闕文若賈服之說則又
與三家異但中庸疏所引賈服說似未全當有雖無有既不
視朔又不登臺則不書時月十六字乃為桓成不書秋七月
冬十月
發例

十有一年春王三月公至自晉

晉侯使郤州來聘已丑及郤州盟疏釋文郤州本亦作讐九經

生步揚步揚生州卽讐也與公羊合左氏傳魏武子讐世

本亦作州司馬貞云州讐聲相近字異耳按惠氏所引世本

見左傳正義又閔元年左傳畢萬爲右注畢萬魏畢祖父正

義引魏世家索隱左疏引服虔云仲州卽畢也司馬貞

說見魏世家又云郤豹生郤芮芮生缺缺生克克與州皆豹

傳疏引世本又云郤豹生郤芮芮生缺缺生克克與州皆豹

之曾孫也故爲從祖昆弟包氏慎言云三月書已丑月之二

十五日也聘盟兼書者舊疏云上三年冬晉侯使荀庚來聘

丙午及荀庚盟傳云此聘也其言盟何聘而言盟者尋舊盟

也注云以不舉重連聘而言之知尋釋舊故約誓也書者惡

之二國既修禮相聘不能相親信反復相疑故舉聘以非之

今此亦然而無傳注者從彼可知故省文又春秋王魯故桓

十四年夏鄭伯使其弟語來盟注時者從內爲王義明王者

當以至信先天下故蒞盟來盟悉書時此經及上三年荀庚

盟之屬悉書日皆不與信辭也

夏季孫行父如晉

秋叔孫僑如如齊

冬十月

十有二年春周公出奔晉疏

杜注左傳云周采地扶風雍縣東北有周城按周自平王東遷西都

久爲秦有周之采地不應仍存當亦在東圻矣魯世家索隱云周公次子留相王室世爲周公汲郡古文云成王十一年王命周平公治東都沈約案周平公卽君陳周公之子伯禽之弟坊記注君陳蓋周公之子然則此及僖九年之宰周公其皆君陳後與

周公者何天子之三公也王者無外此其言出何自其私土

而出也注

私土者謂其國也此起諸侯入爲天子三公也周

公驕蹇不事天子出居私土不聽京師之政天子召之而出

走明當并絕其國故以出國錄也不月者小國也疏

左傳曰凡自周

無出者周公自出也與此少異左傳疏引鄭答孫皓曰凡自周無出者周無放臣之法罪大者刑之小則宥之白虎通諫諍篇或曰天子之臣不得言放天子以天下爲家也無可放故不言出故襄三十年王子瑕奔晉不言出也○注私土至公

也。○正以書出故知自其私土出也。周公本西周圻內國東遷後不知在何地也。諸侯入為三公者，詩衛風淇奧美武公云：「故能入相于周。」衛世家云：「武公將兵佐周平戎，甚有功于王。」命為公，又鄭風緇衣序云：「美武公也。」父子並為周司徒，善於其職，國人宜之，是皆入為王朝之臣者也。以稱公，故知為三公。其實亦即卿士卿為典事，公其兼官。詩疏引顧命鄭注云：「公兼官以六卿為正次，是其義也。」○注周公至錄也。○左傳上十一年云：「周公楚惡惠襄之偏也。」且與伯與爭政，不勝怒而出。及陽樊，王使劉子復之，盟于鄆，而入三日復出。奔晉其驕蹇明矣。何氏義與左傳大同，杜云：「王既復之而復出，所以自絕于周。」驕蹇不奉王命，不臣故當并絕其國。書出也。通義云：「自其都邑而出，故使與外諸侯同文，因為天子諱。」三公乖離出奔也。○注不月者，小國也。○春秋之例，大國奔例，月桓十六年十有一月，衛侯朔出奔齊，是也。小國時昭三年北燕伯欵出奔齊，是也。此書時明小國入為三公者，自其私土而出，故從小國例。舊疏云：「天子三公之相視，公侯既視公侯，何言小國小國者，據其私土之言也。」周公本小國諸侯，侯於王圻之內，雖有采地，但從私土而去，故從小國例。

夏公會晉侯衛侯于沙澤。疏：音沙，與瑣同。部字左氏定七年同。沙古齊侯衛侯盟于沙，釋文：沙如字。又星和反。傳曰：乃盟于瑣。注瑣即沙也。可證杜云瑣澤地闕方輿紀要瑣侯亭在開封府。

新鄭縣宛陵城
西亦曰賔澤

秋晉人敗狄于交剛疏杜云交剛地闕大事表云按是時赤狄之種盡絕故中國直名曰狄為狄不復
是也
穀梁傳中國與夷狄不言戰皆曰敗之注不使夷狄敵中國

冬十月

十有三年春晉侯使卻錡來乞師疏穀梁傳乞重辭也古之人重師故以乞言之也

三月公如京師注月者善公尊天子疏注月者至天子○舊疏云正以朝聘時故也通

義云趙汭曰如京師特書月
明朝王為正與他如不同

夏五月公自京師疏舊疏云公下自上有至字者衍文也穀梁

校勘記云余本無至字有齊侯二字何煌云考石經三傳左氏有至字公羊無疏云公下自上有至字者衍文也穀梁石經此係宋人補刻疑至字或亦出凡增也按是年石經實非補刻何益偶誤公羊疏以至字為衍文者指公羊傳而言穀

梁自與公羊不同何据彼疏引此經非是又補刻石經係朱

梁謂宋人補刻亦非是按左傳亦無至字彼校勘記云石經

公下有至遂會晉侯齊侯宋公衛侯鄭伯曹伯邾婁人滕人

伐秦疏穀梁傳無齊侯二字

其言自京師何注据僖公二十八年諸侯遂圍許不言自王

所疏注据僖至王所○僖二十八年冬公會晉侯以下于溫

疏云彼亦朝天子而往圍許不言自王所與此異故難公鑿

之通義云難何以不承公如京師就言遂會伐秦意

行也注以起公鑿行也鑿猶更造之意疏注鑿猶至之意○

鑿猶更造之意其義未詳曰此如漢書張騫傳之鑿空也師

古注空孔也猶言始鑿其孔穴也西南夷傳騫因盛言大夏

在漢西南慕中國患匈奴隔其道誠通屬身毒國道便近又

無害是鑿空之事也空孔也穴隙也趁此空隙而行他事故

曰鑿行按史記大宛列傳張騫鑿空集解引蘇林云鑿空開

道也說文金部鑿穿木也釋名釋用器鑿有所穿也廣雅釋

詁鑿穿也又淮南汜論喉中有病無害於息不可鑿也注鑿

穿也凡有所穿鑿皆更造之象也漢司隸楊厥碑達通石門

選即鑿也亦或作選省體也公鑿行奈何不敢過天子也注時本欲直伐

秦塗過京師不敢過天子而不朝復生事修朝禮而後行故

起時善而襲成其意使若故朝然後生事也問無事復出公

者善公鑿行疏注時本至事也○舊疏標注作生事修朝禮

疏本無復字杜云伐秦道過京師因朝王劉炫述義云魯朝

聘皆言如書其始發言往而言公朝王所者發國不為朝王

至彼遇王朝之朝訖乃書故稱朝也此過京師亦宜稱朝言

如者發雖主為伐秦即其朝王之意書其初發故言如也按

如何意公本無朝王意然猶有尊畏之心不敢過京師而不

朝善善從長即而襲成之使若故朝然後生事也穀梁傳非

如日如不叛京師也注因其過朝故正其文若使木自往是

其義也○注問無至鑿行○昭十三年秋公會劉子晉侯以

下于平丘八月甲戌同盟于平丘注不言劉子及諸侯者問

無異事可知矣彼以問無異事故不復舉劉子及諸侯此亦

秦矣今復舉公故解之明其善也

曹伯廬卒于師疏釋文廬本亦作廬古廬廬字多通用左氏桓

十二年傳羅與廬戎兩軍之釋文本作廬戎

云本亦作盧昭十三年經蔡侯廬歸于蔡二十年書蔡侯廬卒作盧史記吳世家餘橋夷吾卒子柯廬立吳越春秋作柯廬荀子富國篇君廬屋妾注盧當為廬莊子讓王篇乃負石而自沈于廬水釋文云司馬本作廬水是也穀梁傳曰閔之也公大夫在師曰師在會曰會

秋七月公至自伐秦注月者危公幼而遠用兵疏注月者至用兵○舊疏云

正以致例時故也通義云月致者春出秋返久也亦通

冬葬曹宣公疏小國君卒月葬時故穀梁傳葬時正也

十有四年春王正月莒子朱卒注莒大於邾婁至此乃卒者庶

其見殺不得卒至此始卒又不得日疏注莒大至得卒○莊

卒是邾婁卒於所傳聞世春秋序莒常在邾婁上明莒大於邾婁而不得書卒故解之按彼注云小國未當卒而卒為慕伯者尊天子行進也則書邾婁子卒非常例矣所聞世合卒又以庶其被弑故不得書卒也庶其事在文十八年○注至此至得日○此決莊二十八年夏四月丁未邾婁子瑱卒書日故也彼注云月者附從伯者朝天子行進此莒始書卒無

進行故略不日也舊疏云所以書日者非直行進其邾子克
往前已卒是以春秋得詳錄之也曹亦小國桓十年春正月
庚申曹伯終生卒書日者彼注云始卒與大國同例者春秋
敬老重恩也故為魯恩錄之是也通義引楊士勛曰莒子朱
者莒渠丘公不書葬者莒行夷禮則是失德又葬須稱諡莒無諡故不書葬也

夏衛孫林父自晉歸于衛疏

通義云左傳曰衛侯如晉晉侯強見孫林父焉定公不可夏衛侯既

歸晉侯使卻隼送孫林父而見之故經加自晉晉有力文焉

秋叔孫僑如如齊逆女注

凡娶早晚皆不譏者從紀履綸一譏

而已

疏者舊疏云隱二年注云不親迎例月重錄之今此不月者蓋以成公即位十有四年始娶元妃非重繼嗣之

義故略之通義云至是始娶者公即位幼也左傳曰國君十五而生子按孔說非是成公二年已會楚嬰齊于蜀則即位雖幼必非穉裸至小亦宜七八齡矣即位至此年計已逾冠故舊疏謂其即位十四年始娶元妃非重繼嗣之義也孔疏引左傳國君十五生子之文甯成公時始十五六耶○注凡娶至而已○校勘記出凡娶云鄂本同此本疏標起訖亦作娶閭監毛本改取非釋文作凡取云又作娶閭監毛本蓋据此紹熙本亦作娶紀履綸事見隱二年彼傳云外逆女不書

此何以書譏何譏爾譏始不親迎也然則春秋於公不親迎
不譏從可知例也舊疏云宣元年春公子遂如齊逆女喪服
未除是其太早也但略舉一二人則桓三年娶于齊文四年娶
嗣是其太晚也又引舊解云隱二年履緌之下注云內逆
于齊合在其間矣但疾始不常書明當先白詳正躬自厚而薄
女常書外逆女但疾始不常書明當先白詳正躬自厚而薄
責於人故略外也然則外之娶妻莫問早晚其不親迎皆不
復書而譏之者悉從履緌之例一譏而已所以此處注之者
正以內逆女常書之朱是以於此決之按此注意謂皆不譏
者疑即指親迎言非謂不譏其早晚也文公娶太早經書公
子遂納幣譏之成公娶
晚經不月以起之也

鄭公子喜率師伐許疏毛本率改帥

九月僑如以夫人婦姜氏至自齊疏左傳舍族尊夫人也彼疏引何氏膏肓云叔孫僑如

舍族為尊夫人按襄二十七年豹及諸侯之大夫盟復何所
尊而亦舍族春秋之例一事再見者亦以省文耳鄭箋之曰
左氏以豹違命故貶之而去族今僑如無罪而亦去族故以
為尊夫人也春秋有事異文同者則此類也劉氏逢祿評曰
一事再見不加氏者見終奉君命按此與宣元年公子遂如
齊逆女三月遂以夫人婦姜至自齊同一文法從彼傳一事

而再見者卒
名可知例也

冬十月庚寅衛侯臧卒疏包氏慎言云十月書庚寅月之十七日

秦伯卒

皇清經解續編卷千二百四十一終

昭文子汝恭校字
孫同康參校

皇清經解續編

公羊義疏五十三

九

皇清經解續編卷千一百四十二

南菁書院

公羊義疏五十四

句容陳立卓人著

成十五年
盡十六年

十有五年春王二月葬衛定公

三月乙巳仲嬰齊卒

疏包氏慎言云三月書乙巳月之四日

仲嬰齊者何注疑仲遂後故問之疏

注疑仲至問之○舊疏何氏欲解弟子問所不

知之意何者欲言仲遂之子宜稱公孫今經稱仲故執不知問

公孫嬰齊也

注未見於經為

公孫嬰齊今為大夫死見於經為仲嬰齊疏

注未見至嬰齊

於經謂未作大夫不得見於經當爾之時猶為公子之子故為公孫嬰齊矣今為大夫而死得見于經更為公子之孫孫

以王父字為氏故為仲嬰齊矣顧氏炎武日知錄云魯有二嬰齊皆公孫也仲嬰齊卒其為仲遂後者也十七年公孫嬰

齊卒于狸軫則于叔聲伯也此文仲嬰齊亦是公孫嬰齊非謂子叔聲伯故注云未見於經為公孫嬰齊此漢人解經之

善若子叔聲伯則戰率如晉如莒已屢見於經矣蓋歸父奔
後魯人尚未立後傳故云徐傷歸父無後也為大夫未久即
卒又未有事公孫嬰齊則曷為謂之仲嬰齊為兄後也為兄
故不見經

後則曷為謂之仲嬰齊注据本公孫疏注据本公孫○舊疏

須正雖代兄為大夫甯得注為人後者為之子也注更為公孫

之子故不得復氏公孫疏注後漢書安帝紀云禮昆弟之子猶

章懷注為人後者謂出繼於人也段氏玉裁經韻樓集云此

謂嬰齊為歸父後即為歸父之子為歸父之子故以歸父父

字仲為氏是為以王父字為氏以王父字為氏真子之禮如

此為人後之禮亦如此傳言為人後者為之子非以為之子

釋為人後乃以明為人後者之禮一切必同於真子喪服傳

曰何以三年也受重者必以尊服服之此之謂為之子也傳

又曰為所後者之祖父母妻妻之父母昆弟昆弟之子若子

此之謂為之子也喪服親疏遠近一如真子然則為之子信

矣為人後之禮必如是天子諸侯卿大夫之為後者皆如是

○注更為至公孫○正以嬰齊實公孫今為公孫歸父後故

去其公孫之氏為人後者為其子則其稱仲何注据氏非一

同諸歸父子也

孫以王父字為氏也注謂諸侯子也顧興滅繼絕故紀族明

所出疏注謂諸至所出○禮喪服傳曰諸侯之子稱公子公

孫以王父字為氏故王父即謂諸侯子也白虎通姓名云或

氏王父字者何所以別諸侯之後為興滅國繼絕也王者

之子稱王子王者之孫稱王孫諸侯之子稱公子公子之子

稱公孫公孫之子各以其王父字為氏故春秋有王子瑕論

語有王孫賈又有衛公子荆公孫朝魯有仲孫叔季孫楚

有昭屈景齊有高國崔以知其為子孫也隱八年左傳曰天

子建國因生以賜姓胙之土而命之氏諸侯以字為氏因以

為族禮記大傳疏引鄭駁異義云炎帝姓姜太昊之所賜也

黃帝姓姬炎帝之所賜也故堯賜伯夷姓曰姜賜禹姓曰姒

賜契姓曰子賜稷姓曰姬著在書傳是天子賜姓也諸侯賜

卿大夫以氏若同姓公之子曰公子公子之子曰公孫公孫

之子其親已遠不得上連于公故以王父字為氏若適夫人

之子則以五十字伯仲為氏若魯之仲孫叔孫季孫是也若

庶子妾子則以二十字為氏則展氏臧氏是也若異姓則以

父祖官及所食之邑為氏以官為氏者司馬司城是也以邑

為氏者韓魏趙是也然則孫以王父字為氏專斥天子諸侯

子孫言而猶必賜之於君也大傳疏又云若子孫其君不

賜族子孫自以王父字為族也亦所以明所自出故也然

則嬰齊孰後後歸父也疏

唐石經鄂本監毛本同此本闕本脫一後字今訂正按紹熙本亦疊

後字歸父使于晉而未反注宣公十八年自晉至懼奔齊訖今

未還疏

注說今未還○爾雅釋詁訖至也至今未還也與漢書成帝詔訖今不改之訖同

何以後之

注据已絕也叔仲惠伯傅子赤者也注叔仲者叔彭生氏也

文家字積於叔叔仲有長幼故連氏之經云仲者即春秋質

家當積於仲惠諡也疏

注叔仲至氏也○舊疏云即文十一年叔彭生之氏族也○注文家至氏

之○白虎通姓名云質家所以積于仲何質者親故積於

仲文家尊尊故積於叔廣川書跋引含文嘉云文家稱叔質

家稱仲白虎通又云即如是論語曰周有八士伯達伯适仲

突仲忽叔夜叔夏季隨季騶不積於叔何蓋以為兩兩俱生

故也不積於伯仲明其無二也按史記管蔡世家武王同母

兄弟十人其長子曰伯邑考其次即武王次管叔鮮次周公

又其次為蔡叔度曹叔振鐸鄭叔武霍叔處康叔封末為

季載是文家積于叔之證也賈家積于仲占籍微亡無可驗

也舊疏云經言文家字積于叔欲道彭生之傳所以連叔仲之意

之意也言叔仲有長幼者欲道彭生之傳所以連叔仲之意

也何者彭生之祖生於叔氏其父武仲又長幼當仲是以彭生遠而言之雖非正禮要是當時之事是以傳家述其私稱述言仲矣按叔仲云者猶言叔氏之仲也○注經云至於仲○舊疏云注言此者欲道嬰齊此經何故不連其父歸父之字而單言仲者欲明春秋當實正得積於仲是以不得更以佗字連之○注惠諡也○周書謚法解愛人好與曰惠又柔質慈民曰惠是也 文公死子幼注子赤幼也公子遂謂叔仲惠伯曰

君幼如之何願與子慮之叔仲惠伯曰吾子相之老夫抱之

注禮大夫七十而致事若不得謝則必賜之几杖行役以婦

人從適四方乘安車自稱曰老夫疏注禮至老夫○禮記曲

備通義云禮大夫七十已上稱於異邦曰老夫若衛石碣使

告于陳曰老夫耄矣是也於其國猶當稱名今惠伯自稱曰

老夫蓋貌慢遂之辭鄭注老夫老人稱也亦明君貪賢亦何

引春秋傳曰老夫耄矣是也意老夫亦非卿大夫正稱何

幼君之有公子遂知其不可與謀退而殺叔仲惠伯弑子赤

而立宣公注殺叔仲惠伯不書者舉弑君爲重叔仲惠伯事

與荀息相類不得為累者有異也叔仲惠伯直先見殺爾不

如荀息死之

疏釋文弒亦作殺音試文十八年左傳仲殺惡及視而立宣公仲以君命召惠伯其宰公冉

務人止之曰入必死叔仲曰死君命可也公冉務人曰若君命可死非君命何聽弗聽乃入殺而埋之馬矢之中與此敘少者殺則內大夫相殺大惡當諱書卒則與公子牙美惡相嫌故不卒以起諱意也惠氏士奇春秋說云宋兩弒君皆一弒君凡三書及所以旌死難之臣也魯弒子赤易為叔仲惠伯不書於春秋春秋尊宗國君弒則隱而不書故叔仲惠伯亦不得牽連而書說者謂死無補於君故不書則孔父仇牧荀息有何補於君而書于冊哉然則曷為不書卒書卒則無以表其節也且書卒則嫌與公子牙同故不書然則曷為不書刺刺者有罪乃刺之雖無罪必有說則又何說而刺叔仲惠伯乎此叔彭生死難之節所以不著於春秋按春秋不書殺叔仲惠伯自為舉重略輕益亦內辭也若欲書之聖人自有書法以張義不必如舊疏所云宜言冬十月子赤及叔仲彭生卒夫游夏之徒且不能贊一辭後人何必強作解事乎

○注叔仲至死之○僖十年晉里克弒其君卓及其大夫荀息傳及者何累也又云驪姬者國色也獻公愛之甚欲立其子於是殺世子申生獻公病將死謂荀息曰士何如則可謂

之信矣荀息對曰使死者反生生者不愧乎其言則可謂信矣獻公死奚齊立里克謂荀息曰君役正而立不正廢長而立幼如之何願與子慮之荀息曰君嘗訊臣矣臣對曰使死者反生生者不愧乎其言里克知不可與謀退弑奚齊荀息立卓子里克弑卓子荀息死之此叔仲惠伯亦曰吾子相之老夫抱之以卻仲遂遂因殺叔仲惠伯弑子赤是與荀息事相類也桓二年莊十二年僖十年皆有舍此無累者乎曰有均指叔仲惠伯下皆云有則此何以書賢也云云然則叔仲惠伯甯有不賢而被傳皆如此發何邵公雖云叔仲惠伯直雖見殺不如荀息死之義亦未洽何者仲遂欲廢嫡立庶先與惠伯謀其必嚴憚惠伯與孔父義形於色無所區別故仲遂退而先殺惠伯次弑子赤左傳謂以君命召惠伯應是殺惡及視先事不然遂重在於弑君子赤已死則惠伯存否聽之可矣何必矯命為耶當時所以不與三人並見累者或仍為內諱

宣公死成公幼臧宣叔者相也注臧係許宣謚疏校勘記

故與宣公云閻監毛本同誤也鄂本作臧宣叔宣十八年疏引臧宣叔云閻監正唐石經缺按紹熙本作臧宣叔周氏柄中四書辨正云春秋之例大夫名見於經者皆卿也魯臧宣叔為司寇而經書臧係許及晉侯盟又書臧孫許帥師其卒也書臧孫許卒則儼然卿矣卿則非少司寇之謂至於相則當國執政之稱執政必上卿而孔子以司寇當國故謂之攝如齊

有命卿國高而管仲以下卿執政鄭有上卿子皮而子產以
介卿聽政是也宣叔爲司寇謂之爲相此孔子攝行相事之
證按孔子之攝相自謂攝政夾谷相禮之事非執政之相與
此不同臧孫之相自謂當國者蓋魯命卿不一諸卿中又一
執政者如晉六卿而別一有執政者也周氏引管仲子產事
爲證是也然晉執政者常將中軍宋執政者常爲右師魯叔
孫穆子嘗執政而於卿位居二則又各國之殊也○注臧孫
許宣謚○左傳宣十八年云季文子言於朝曰使我殺適立
庶以失大援者仲也夫臧宣叔怒曰當其時不能治也後之
人何罪子欲去之許請去之注宣叔文仲子武仲父許具名
也時爲司寇主行刑是也宣君死不哭聚諸大夫而問焉曰
謚者謚法解聖善周問曰宣君死不哭聚諸大夫而問焉曰
昔者叔仲惠伯之事孰爲之諸大夫皆雜然曰疏校勘記云唐石經諸
本同宣十八年仲氏也其然乎疏校勘記云鄧於是遣歸父
疏引作雜言曰仲氏也其然乎疏本氏誤如於是遣歸父
之家注時見君幼欲以防示諸大夫疏左傳又云遂逐東門
二十三年姜氏與子犯謀醉而遣之亦謂逐之也漢書孔光
傳遣婦故郡卽逐婦故郡也歸父在外故先逐其家也○注
時見至大夫○舊疏云時見君幼少恐有禍變欲以有防衛之義示其諸大夫然後哭君歸父使乎

晉還自晉至櫟間君薨家遣墀帷哭君成踊反命于介自是

走之齊

疏又見宣十八年

魯人徐傷歸父之無後也

注徐者至東語說文才部徐安行也廣雅釋詁徐遲也

者皆共之辭也

關東語傷其先人爲惡身見逐絕不忍慰也

疏

注徐者至東語說文才部徐安行也廣雅釋詁徐遲也

國策宋策臣請受邊城徐其政而留其日

注徐緩也蓋魯人乍聽臧孫許言皆知仲遂當絕繼見歸父無罪見逐不忍

慰故其傷歸父無後也

何氏以徐爲皆共者廣雅釋詁徐皆也呂覽辨上亦無使有餘注餘猶多也餘徐皆从余聲徐其

餘之借與

注傷其至慰也即謂其聞君薨家遣哭君成踊反命乎介事宣十八年注亦云主書者善其不以於是使

家見逐怨慰成踊哭君終臣子之道起時莫能然也

於是使

娶齊後之也

注弟無後兄之義爲亂昭穆之序失父子之親

故不言仲孫明不與子爲父孫

疏通義云久而更傷歸父無罪逐絕不廢臣禮故爲立

後言仲遂大惡當絕直以賢歸父故存其世爾是也

注弟無至父孫徐氏乾學讀禮通考云按禮卿大夫以下繼世

與天子不同天下不可一日無天子國不可一日無君是故

繼世不立則取於旁支以弟後兄可也以兄後弟可也甚至

以叔後姪古亦爲之君之生存既已盡臣其諸父昆弟身歿而旁支入繼必爲之服斬衰既爲之服斬衰卽立祖禰事之可也大夫則不然以別子爲祖亦不能臣其宗族繼世相傳以宗法齊之而已春秋之法大夫以罪廢逐不得入宗廟卽思其先世而爲之立後亦直以廢逐者之兄弟代主大宗之祀世及相傳而不及於廢逐者之子姪正所以嚴昭穆之序也魯於叔孫氏嘗逐僑如而立其弟豹矣於臧氏嘗逐紇而立其兄爲矣於東門氏則逐歸父而立嬰齊禰歸父此魯人之初舉也其意若謂吾逐歸父以其父故父之罪大不可以後衛後其子爾乃不知其已悖典禮矣段氏玉裁經韻樓集云此千古爲後之禮經也何邵公注甚明而誤者失之崑山徐氏爲尤甚公子遂以仲遂書於經矣仲其字也故其孫曰仲嬰齊嬰齊實遂子也而後歸父則遂孫矣遂孫則可以稱仲孫而仲之不孫之者仲實非孫也實非孫則何以可後歸父也凡古云後者受其爵邑之重之謂爵邑必有所託受之是曰後後不必倫序相當也然則公羊曰爲人後者爲之子何也爵邑受諸某則於某之喪祭一如真子之禮不必倫序相當也然則立嬰齊者何不使後遂也曰此爵邑受諸歸父不可以中斬也然則何以不立歸父之子遂實有罪而廢其嫡歸父實無罪而綿其爵邑以嬰齊後歸父可以明歸父之無罪立歸父之子則不可以明遂之有罪然則書仲者仲其氏也氏者爵

邑所在也不言孫者不歿其實也明其爲遂子也通義云禮
大夫世則有族魯人立歸父之後使世其位故命之氏氏姓
自廟別者也娶齊既後歸父則當祀歸父于禰祀仲遂於祖
故得比孫以王父字爲氏而氏之爾爲人後者爲之子謂事
其廟如禰廟服其服如喪父者之服持重於大宗有子道焉
非實謂他人父也何氏乃嘗其亂昭穆之序失父子之親夫
禮不有爲殤後者乎爲祖母後者乎爲祖庶母後者乎而謂
皆父母稱之乎可乎楚世家曰帝嚳誅重黎而以其弟吳回
爲重黎後則弟兄之相後由來舊矣按孔氏直溫天子諸侯
與卿大夫爲一故如此解爲殤後之後謂宗子爲殤死族人
承其宗者與此後字別爲祖母後爲祖庶母後皆論服制本
不必皆以父母稱之也禮喪服不杖期章爲君之父而妻長
子祖母傳父卒然後爲祖母後者服斬注此爲君矣而有父
若祖之喪者謂始封之君也若是繼體則其父若祖有廢疾
不立父卒者父爲君之孫宜嗣位而早卒今君受國於曾祖
是爲諸侯有爲祖後者有爲曾祖後者皆服斬亦不必以父
母稱之也重黎之事亦不例諸大夫士孔氏未免好辨矣劉
氏逢祿解詁箋云書仲孫則嫌於仲孫氏書公孫仲嬰齊則
嫌於嬰齊別有賢行且嫌於僅以別嫌於理軫之公孫嬰齊
爲人後之義不著夫子既順魯人之公義弟爲兄後亦合質
冢之法故無異文也然考舊疏引異義公羊說云質家立世
子弟文家立世子子而春秋從質故得立其弟自謂天子諸

侯之制非謂大夫士亦得立其弟爲後也劉說援据亦非總之諸侯奪宗大夫不奪宗奪宗故得以弟爲兄後叔爲姪後兄爲弟後俱無不可不奪宗則必取諸昭穆相當者爲後不得混施不明乎此宜乎宗法廟制俱轆轤不通矣歸父無罪被逐魯人傷其無後欲爲立後此國人清議也季文子等於遂之弑君并不以爲可仇唯歸父欲去三桓故疾之尤甚因坐以其父弑君之罪其意仍在歸父并非罪遂而又迫於國人之言不得不爲歸父立後乃不立歸父之子而立歸父之弟名爲後歸父仍是絕歸父以後遂此季臧之子而巧也所謂亂昭穆之序失父子之親者此也聖人書之以仲不言仲孫正不與其子爲父孫并所以絕遂不與其有孫也

癸丑公會晉侯衛侯鄭伯曹伯宋世子成齊國佐邾婁人同盟

于城疏

校勘記出宋世子成云鄂本元本同唐石經閩監毛本成作戌釋文世子戌音恤本或作成蓋唐初本已

有作成者矣左氏穀梁俱作戌按昭十年十有二月甲子宋公戌卒亦作戌二傳作戌彼釋文云宋戌讀左傳者音成何云向戌與君同名則宜音恤宋王復齋鐘鼎款識宋平公鐘銘宋公戌之醴鐘吳東發跋云左昭十年傳宋公成公羊作戌史記亦作成今觀是銘當以公羊爲正是平公器也頌壺銘甲戌豐姑敦丙戌文皆作成與此同又按左昭二十年傳

公子城杜云平公子成與城音同若平公名成其子不得名城也包氏慎言云三月書癸丑月之廿二日

晉侯執曹伯歸之于京師注為篡喜時疏校勘記云唐石經諸

作歸于京師無之字傳文方辨別歸之于歸于二者之不同然則石經此處有之字其誤甚矣左氏穀梁亦無之通義云僖二十八年傳曰歸于者非執之於天子之側者也特為此經發傳而今板本于上仍有之字者誤按彼云罪未定則何以得為伯討注云此難成十五年晉侯執曹伯歸于京師據破及注則此經不得有之字矣有者衍文○注為篡喜時○事具昭二十年傳通義云曹伯名負芻宣公之庶子殺世子而自立故晉執之為伯討也按左傳會于戚討曹成公也執而歸諸京師又十三年彼傳云曹人使公子負芻守使公子欣時逆曹伯之喪秋負芻殺其太子而自立也諸侯乃請討之又曰既葬子臧將亡國人皆將從之成公乃懼告罪且請焉乃反而致其邑是年彼傳云諸侯將見子臧於王而立之子臧辭遂逃奔宋子臧即此之喜時係讓國而非負芻所篡與公羊異孔氏乃取左氏為說何耶

公至自會

夏六月宋公固卒注不日者多取三國賡非禮故略之疏注不

略之。○正以大國君卒日葬月此不日故解之多取三國勝者卽十九年伯姬歸于宋有衛人來媵晉人來媵齊人來媵傳云三國來媵非禮也是也舊疏云雖於伯姬爲榮而宋公有失故死略之

楚子伐鄭

秋八月庚辰葬宋共公疏

包氏慎言云八月書庚辰月之十一日通義云卒不日者失德也葬日者

爲國亂渴葬例也葬卜柔日而今用庚辰亦渴之驗

宋華元出奔晉疏

鄂本奔作奔

宋華元自晉歸于宋注不省文復出宋華元者宋公卒子幼華

元以憂國爲大夫山所譖出奔晉晉人理其罪宋人反華元

誅山故繁文大之也言歸者明出入無惡疏

注不省至之也舊疏云襄三

十年秋鄭良霄出奔許自許入于鄭彼則省文不言鄭良霄自許入于鄭今則不省文故決之必知不省文是大之者正以孔子曰書之重辭之複嗚呼其中必有美者焉不可不察故知也通義云一事再見不卒名者善其出奔非畏難遠害

能假晉力以威蕩氏卒拔強族輯公室智足以奠亂功足以安國故繁辭大之也言華元以憂國為大夫山所讚出奔晉者舊疏以為春秋說文左傳云蕩澤弱公室殺公子肥華元曰我為右師君臣之訓師所司也今公室卑而不能正吾罪大也不能治官敢賴寵乎乃出奔晉是亦以華元為憂國出奔但不以為山所讚耳宋世家謂司馬唐山攻殺太子肥欲殺華元華元奔晉又異○注言歸至無惡○舊疏云即桓十五年傳例云復歸者出惡歸無惡復入者出無惡入有惡入者出人惡歸者出無惡是也按僖二十八年傳自者何有力焉者也明晉人理其罪宋人乃反華元誅山也史記左傳皆言魚石止華元至河乃還誅山然設非晉力桓氏未必反順華元若是也

宋殺其大夫山注不氏者見殺在華元歸後嫌直自見殺者故

貶之明以譖華元故疏通義云蕩山也去氏者為其擅權弱

義○注去氏至元故○舊疏云襄二十三年陳殺其大夫慶

虎及慶寅陳侯之弟光自楚歸于陳注云宋大夫山譖華元

貶此不貶者殺二慶而光歸譖光可知然則此華元歸後山

見殺故須貶山以見其義左傳華元反使華喜公孫師帥國人攻蕩氏殺子山是山殺在華元歸後也

宋魚石出奔楚注與山有親恐見及也後得言復入者出無惡

知非君漏言魚石不殺山疏注與山至及也○杜云公子目

也注魚石蕩澤向為人鱗朱向帶魚府皆出桓公是與山有

親也舊疏以注有山者魚石之親語因云若其不貶宜言魚

山矣疑山亦魚氏非也山即蕩澤故世家作唐山唐即左氏

之蕩也○注後得至殺山○正以復入爲出無惡入有惡文

也魚石復入見下十八年云知非君漏言魚石不殺山者文

六年晉殺其大夫陽處父晉狐射姑出奔狄傳晉殺其大夫

陽處父則狐射姑曷爲出奔射姑殺也射姑殺處父則其稱國以

殺何君漏言也然則彼爲君漏言致射姑殺處父故坐君殺

君書國兼惡射姑可知此文與彼同亦似君漏言致魚石

冬十有一月叔孫僑如會晉士燮齊高無咎宋華元衛孫林父

鄭公子魋邾婁人會吳于鍾離疏杜云鍾離楚邑淮南縣大

咎城鍾離以備吳二十四年楚子爲吳師以略吳疆師還吳

鍾楚遂滅巢及鍾離南北朝時爲重鎮今江南鳳陽府鳳陽

縣東四里有鍾離舊城水經注淮水篇又東過鍾離縣北世

本曰鍾離寡姓也應劭曰縣故鍾離子國也楚滅之以爲縣

春秋左傳吳公子光伐楚拔鍾離者也一統志故城在鳳陽府鳳陽縣東舊有東西二城濠水流於其中按是時鍾離應向爲國若已屬楚不得會其地矣

曷爲殊會吳注据楚不殊疏宋公楚子陳侯蔡侯鄭伯許男

曹伯會于外吳也疏繁露觀德云是故吳魯同姓也鍾離之

夷狄之行也穀梁傳曰會又會外之也通義云世子殊會吳

亦殊會貴賤不嫌辭可同也然同之中有異焉鄭玉曰首戴

之會書及書會見公及諸侯同往會之如臣朝君使諸侯不

得以干世子鍾離之會書會又書會若諸侯外吳不與同會

使夷狄不得以亂中國此曷爲外也注据襄五年不外之疏

則聖人微意不可不察注据襄五年不外之疏

伯莒子邾婁子滕子薛伯齊世子光吳人鄫人于戚是也

春秋內其國而外諸夏內諸夏而外夷狄注內其國者假魯以爲京師也諸夏外土諸侯也謂之夏者大總下土言之辭也不殊楚者楚始見所傳聞世尙外諸夏未得殊也至於所

聞世可得殊又卓然有君子之行吳似夷狄差醕而適見於

可殊之時故獨殊吳

疏舊疏云春秋內其國而外諸夏即經

下是也云內諸夏而外夷狄即經序諸大夫訖乃言會吳于
鍾離是也按舊疏第就此經言之其實傳凡言春秋皆謂春
秋通例也內其國而外諸夏所傳聞世也內諸夏而外夷狄
謂所聞世也至所見世則著治太平夷狄進至于爵天下遠
近大小若一矣繁露竹林云故春秋之於偏戰也猶其於諸
夏也引之魯則謂之外引之夷狄則謂之內是也漢書匈奴
傳論是以春秋內諸夏而外夷狄明皆道春秋之法非當時
果外吳外楚也○注內其至師也○即隱元年注云春秋託
新王受命于魯故即假魯以爲京師也是以儀父來盟則褒
滕薛來朝則褒外來盟者稱來我往彼盟稱蒞齊侯饋捷亦
稱來見王義尊內言如不言朝聘皆京師魯之義故傳三年
注春秋王魯故言蒞以見王義使若王者遣使臨諸侯盟飭
以法度言來盟亦因魯都以見王義使若來之京師白事於
王是也○注諸夏至侯也○校勘記云此本闕監本土課士
鄂本毛本不誤今訂正魯亦諸夏假魯爲京師故以諸夏爲
外土諸侯也論語八佾不如諸夏之亡也注包曰諸夏中國
○注謂之至辭也○校勘記出大總下上言之辭云閩監毛
本同誤也鄂本土作土當據正按紹熙本亦作下土夏者大

也書康誥用肇造我區夏孟子滕文公吾聞用夏變夷者閔
元年左傳諸夏親暱襄四年左傳諸夷必叛華夏皆總下土
言之謂之大者言有禮儀之大也○注不殊至殊也○卽傳
二十一年宋公楚子以下會于霍之屬是不殊也通義云楚
亦夷狄未嘗殊者始見稱州已外之矣攢兩亦殊會始發傳
於此者因此會諸夏夷狄悉在內外之文最明○注至於至
之行○宣十一年夏楚子陳侯鄭伯盟于辰陵注不日月者
莊王行伯約諸侯明王法討徵舒善其憂中國故爲信辭也
是卓然有君子之行故又不得殊也○注吳似至殊吳○史
記吳世家太史公曰孔子言太伯可謂至德矣三以天下讓
民無得而稱焉余讀春秋古文乃知中國之虞與荆蠻句吳
兄弟也延陵季子之仁心慕義無窮見微而知清濁嗚乎又
何其閎覽博物君子也所謂似夷狄差醜也而適王者欲一
見於可殊之時決楚之始見時尙未合殊故也

乎天下曷爲以外內之辭言之

注据大一統

疏○注据大一統

傳云何言乎王正月大一統也舊疏云王者施政言自近者
欲其遠近徧及海內如一而殊外內故難之是也

始也

注明當先正京師乃正諸夏諸夏正乃正夷狄以漸治

之葉公問政於孔子孔子曰近者說遠者來季康子問政於

孔子孔子曰政者正也子帥以正孰敢不正是也月者危錄

之諸侯既委任大夫復命交接夷狄疏注明當至治之○襄

來奔注云所傳聞世見治始起外諸夏錄大略小大國有大

夫小國略稱人所聞之世內諸夏治小如大廩廩近升平故

小國有大夫治之漸也隱元年注於所傳聞世見治起於衰

亂之中先詳內而後治外內小惡書外小惡不書內離會書

外離會不書是也於所聞世見治升平書外離會至所見世

用心尤深而詳明先正京師乃正諸夏乃正夷狄以漸治之

也故隱二年會戎于潛書內離會以正內僖二十六年楚人

滅隗以隗子歸不名見責小國略宣十一年晉侯會狄于欒

函所聞世內諸夏而詳錄之昭三年北燕伯欵出奔齊名者

所見世責小國詳三十年吳滅徐徐子章禹奔楚注至此乃

月者所見世始錄夷狄滅小國也是也說苑指武篇云內治

未得不可以正外本惠未襲不可以制末是以春秋先京師

而後諸夏先諸夏而後夷狄繁露王道云親近以求遠故未

有不先近而致遠者也故內其國而外諸夏內諸夏而外夷

狄言自近者始也通義云此春秋為後王大法建首善自京

師始而四海之內莫敢不正若乃殊方別俗被之聲教羈縻

弗絕而已故所聞之世始內諸夏所見之世始治夷狄操之

有本推之有序大學所謂家齊而後國治國治而後天下平

其義然也繁露天地陰陽云近者詳遠者略亦謂先近而後遠也○注葉公至者來○見論語子路篇今本無于孔子蓋以意足之也韓非子難篇葉公子高問政于仲尼仲尼曰政在悅近而來遠孔子世家孔子曰政在附近而來遠皆以意增損非有葉公問政於夫子子曰政在附近而來遠皆以意增損非有異文也○注季孫至是也○見論語顏淵篇舊疏云帥長也言子為諸侯之長而為正誰敢不為正乎亦是先正於近乃始及遠之義故引之按大戴禮哀公問篇政者正也君為正則百姓從政矣史記平津侯主父列傳贊夫三公者百察之率萬民之表也孔子不云乎子率而正孰敢不正皆謂正己以正物即由近而及遠也○注月者至夷狄通義云會例時此吳會中國之始特危月之許遷于葉疏葉縣是也大事表云許畏鄭請遷于楚楚遷許于葉而許之舊都盡歸于鄭鄭人謂之舊許襄十一年傳諸侯伐鄭東遷舊許是也又云王于勝曰葉在楚方城外之蔽也楚子遷許于析而更以葉封沈諸梁號曰葉公今河南南陽府葉縣南三十里有古葉城一統志故城在南陽府葉縣南三十里舊縣鎮

十有六年春王正月雨木冰

雨木冰者何雨而木冰也何以書記異也注木者少陽幼君

大臣之象冰者凝陰兵之類也冰脅木者君臣將執於兵之

微也

疏

穀梁傳雨而木冰也志異也傳曰根枝折范云雨著

師古曰雨木冰者氣著樹木結為冰也今俗呼為間樹雨音

于具反按今時間有之所謂樹稼是也皆盛寒所致舊唐書

讓皇帝憲傳開元二十九年冬京城寒甚凝霜封樹時學者

以為春秋雨木冰卽此是亦名樹介言其象介冑也忽見而

歎曰此所謂樹稼也諺曰樹稼達官怕必有大臣當之是也

○注木者至微也○五行志上雨木冰劉歆以為上陽施不

下通下陰施不上達故雨而木為之冰零氣寒冰不曲直也

劉向以為冰者陰之盛而水滯者也木者少陽貴臣卿大夫

之象也此人將有害則陰氣協木木先寒故得雨而冰也是

時叔孫僑卿出奔公子偃誅死一日時習執季孫行父又執

公此執辱之異或曰今之長老名木冰為木介介者甲甲兵

象也是歲晉有郢陵之戰楚王傷目而敗屬常雨也經義雜

記云雨木冰杜注記寒過節冰封著樹何注冰脅木者君臣

將執于兵之微穀梁傳雨而木冰也范解雨木冰者木介甲

冑兵之象雨著木成冰疏引徐邈云五行以木為介介甲也

木者少陽之精幼君大臣之象冰者兵之象今冰脅木君臣

將見執之異根枝折者象禍害連至也與何邵公義同五行志載劉欲劉向及各說按左氏無傳當從劉子駿說說文氣部氣也从气分聲霧氣或从雨則氛霧為一字釋名釋天氣氛粉也潤氣著草木因寒凍凝色白若粉之形也劉說與釋名合氛霧字異也穀梁當从劉子政說言人將有害則陰氣脇木得雨而水是不必以冰為木介取象於甲兵矣何注公羊徐注穀梁皆本劉子政義范則專取甲兵之說不知穀梁引傳曰根枝折正與陰氣脇木之義合明非取象於甲兵也古微書考異郵云天雨水冰貴臣將死也專主大臣言蓋震為木震為長子大臣之象陰氣脅木木先寒故得雨而水亦為叔孫僞如出奔刺公子偃之兆而少陽象幼君冰脅木象公為晉所恥行父被執取應亦切

夏四月辛未滕子卒注滕始卒於宣公日於成公不名邾婁始

卒於文公日於襄公名俱葬於昭公是以知滕小疏包氏慎言云四

月善羊未月之六日通義云滕文公也○注滕始至不名○宣九年秋八月是始卒於宣公也此經書辛未滕子卒是日

於成公也二者皆不名故云不名若然隱七年書滕侯卒彼

注云所傳聞世未可卒所以稱侯而卒者春秋王魯託隱公禮祭故稱侯見其義故也○注邾婁至公名○文十三年邾

與子籙條卒是卒於文公也襄十七年春王二月庚午邾婁子燭卒是日於襄公也籙條燭皆名故曰名也若然莊十六年書邾婁子克卒莊二十八年夏四月丁未書邾婁子瑱卒已見於所傳聞世而云始卒於文公日於襄公者莊十六年注云小國未嘗卒而卒者為慕伯者有尊天子之心行進也莊二十八年注云日者附從伯者朝天子行進明皆以行進與隱七年之書滕侯卒皆非常例也○注俱葬於昭公○昭三年滕子泉卒又云葬滕成公昭元年邾婁子華卒下云葬邾婁悼公是俱葬於昭公也○注是以知滕小○舊疏云春秋於所聞之世始錄微國之卒書日書名明其大小滕子卒葬皆在邾婁之後邾婁之君名於所聞之世於滕則未是以知其小子邾婁也何氏所以不於會序比之而据其卒葬者會是主會次之其大小仍自難明故如此解

鄭公子喜帥師侵宋

六月丙寅朔日有食之注是後楚滅舒庸晉厲公見饑殺尤重

故十七年復食疏注是後到尤重○校勘記出晉厲公見饑誤尤字與此本按紹熙本不誤楚滅舒庸見下十七年晉厲公見饑殺者下十八年晉弒其君州蒲舊疏引春秋說以

為鴈公猥殺四大夫臣下人人恐見及正月出之二月而死
故此注云見餓殺也五行志下之下成公十六年六月丙寅
朔日有食之董仲舒劉向以為後晉敗楚鄭于鄢陵執魯侯
與何氏義異劉歆以為四月二日是也○魯衛分包氏慎言云六月
書丙寅劉歆以為四月二日是也○注故十七年復食
○即下十七年書十有二月丁巳朔日有食之是也

晉侯使欒黶來乞師

甲午晦
晦者何冥也何以書記異也注此王公失道臣代其治故陰

代陽疏包氏慎言云六月又書甲午甲午本六月之晦日春
有晝晦秋不記晦故特言記異以別之按繁露王道述災異
謂此

晉侯及楚子鄭伯戰于鄢陵疏杜云鄢陵鄭地今屬潁川郡水

水合水出鄢陵城西北春秋成公十六年晉楚相遇于鄢陵
處也史記注引服虔云鄢陵鄭之東南地也紀要鄢陵舊城
在開封府鄢陵縣西北四十里漢書地理志潁川郡鄢陵即
杜所故續志作陽李奇曰六國曰安陵然地志陳留郡有陽

應劭曰鄭伯克段于僞是也則楚子鄭師敗績

敗者稱師楚何以不稱師注据宋公戰于泓敗績稱師疏注

宋至稱師○僖二十二年宋公及楚人戰于泓宋師敗績是

也通義云此晉侯伐鄭楚子救之鄭為主人而戰言晉侯及

者蓋以楚數陵諸夏鄭附從僭夷善王夷也王夷者何傷乎

晉之能敗之故與使為主與敵同義

矢也注時為飛矢所中疏廣雅釋詁夷傷也一切經音義引

夷侈也侈開皮膚為創也說文彳部夷傷也成十三年左傳

艾夷我農功釋文夷本注云金創為夷是也說文刀部刀傷也

注夷亦傷也疏引服注云金創為夷是也說文刀部刀傷也

从刀从一又劒云刃或從倉繫傳云按史此正刀創字也金

創為夷即通俗文之體創為夷是金創矣故注云為飛矢所

中左傳史曰南國賦射其元王中厥目國賦王傷不敗何待

及戰射共王中目楚世家共王救鄭與晉然則何以不言師

兵戰鄢陵晉敗楚射中共王目是其事也

敗績注据王夷末言爾注末無也無所取於言師敗績也凡

舉師敗績為重眾今親傷人君當舉傷君為重以言戰又言

敗績知非詐當蒙上日也

疏

注末無也。○呂覽開春云吾末有以言之注末猶無也禮記檀

弓云末吾禁也注末無也

○注凡舉至為重○桓十三年注

云燕戰稱人敗績稱師者重敗也又隱二年注內外淺深皆

舉之者因重兵害眾故敗績舉師也穀梁傳曰楚不言師君

重於師也繁露對膠西王篇王夷君獲不言師敗重傷君也

○注以言至日也○舊疏云春秋之義偏戰者日詐戰月令

日偏戰

故也

楚殺其大夫公子側

秋公會晉侯衛侯宋華元邾婁人于沙隨

疏

杜云沙隨宋地梁國甯陵縣北有沙

隨亭大事表云今沙隨城在歸德府甯陵縣西六里水經注

坂水篇坂水又東逕甯陵縣之沙陽亭北故沙隨國矣春秋

成十六年會于沙隨謀伐鄭也杜預釋注

曰在甯陵縣北沙陽亭世以為堂城非也不見公公至自會

不見公者何公不見見也注不見見者患乞師不得欲執之

疏

通義云不得為晉侯所見○注不見至執之○下傳云前此者晉人來乞師而不與公會晉侯將執公

公不

見見大夫執何以致會注据不得意扈之會公失序不致疏

注据不得意。舊疏云莊六年傳云得意致會不得意致會。注此謂公與二國以上也。公與二國以上出會盟得意致會。

今會不得意而致會故据以難。注扈之至不致。即文七年公會諸侯晉大夫盟于扈傳諸侯何以不序大夫何以不

名公失序也。公失序奈何諸侯不可使與公盟。映晉大夫與公盟也。彼公不得意不書致故据以難。通義云此兼問兩公

至自會公不見見者是會也。大夫執者謂下伐不恥也。見為鄭之會也。何氏因誤以為行父再執與經不合。不恥也。見為

不恥。注据扈之會公失序恥。疏云文公為諸侯所薄賤不見序故深諱為不可知之辭。明恥故諱也。故彼不公幼也。注因

曰順諱為善文也。此反為得意辭故据以難。公幼也。注因公幼殺恥為諱辭不書行父執者公不見見已重矣。疏注因

諱辭。舊疏云實不見今而致會若得意然故言為諱辭耳。白虎通謂篇童子常受爵命者使大夫就其國命之明王者

不與童子禮也。以春秋魯成公幼少與諸侯會不見公經不以為魯恥。明不與童子為禮也是也。通義云公不見見實以

叔孫僑如通繆姜而譜公于晉之故。時公尚幼未能親政。凡有咎辱責在大臣故不以病公也。按孔氏牽涉左氏之說。

果爾則晉人信譖何反責魯大臣而為公幼殺脫也且左氏
家以公衡為成公子則亦無公幼之說白虎通正先師舊義
與何氏說合○注不書至重矣○舊疏云是時累代公執而
下經但舉其一故此注不書行父執者公不見見已重矣按
經書行父之執在伐鄭後與此致會無涉傳何為逆据以問
明沙隨已有執季孫事孔氏謂行父止一執蓋仍為左傳所
泥

公會尹子晉侯齊國佐邾婁人伐鄭疏

通義云王之上大夫稱

爵沈氏欽韓云圻內國有封爵如蘇子稱子者若公卿大夫
但有八命六命四命之差而無公侯伯子男之次且尹子為
卿士若其出封當加一等為侯伯不當為子男也蓋京師之
王官尊之則曰公通稱則曰子若單劉者亦曰子不曰公不
獨尹子為然

曹伯歸自京師

執而歸者名曹伯何以不名而不言復歸于曹何注

据曹伯

襄復歸于曹疏

注据曹至于曹○見僖二十八年

易也

注易故未言之不復

舉國名

疏

注易故至國名。毛本末作未誤按何意亦未無也無所取於舉國名也

其易奈何公

子喜時在內也公子喜時在內則何以易注据本纂喜時也

疏

釋文喜時左傳作欣時。○注据本纂喜時。○上十五公子年晉侯執曹伯歸之于京師注為纂喜時故据以難

喜時者仁人也內平其國而待之注和平其臣民令專心于

貢疏

通義云此釋不名之意諸侯失地名喜時內平其外國以待君歸若與未失國者同故不名以起之

治諸京師而免之注訟治于京師解免使來歸

疏通義云此釋不言復

之意復歸者出有惡喜時治免其罪若與無惡者同故緣賢者之心而為其君諱不嫌實無惡者前稱侯以執罪已明矣是也。○注訟治于京師。○鄂本訟作說誤信二十八年傳治反衛侯注亦云叔武訟治于晉文公其言自京

師何注据信二十八年晉人執衛侯歸之于京師後復歸于

衛俱天子所歸不言自京師不連歸問者嫌自京師天子有

力文言甚易欲并問力文與上說喜時錯疏

注据信至京師。○即信二十八

年冬晉人執衛侯歸之于京師三十年秋衛侯鄭歸于衛是也○注不連至時錯○僖二十八年衛元咺自晉復歸于衛傳自者何有力焉者也此若連歸問云其言歸自京師何卽嫌天子有力與上說喜時之內平其國外治諸京師爲喜時之力意違故但問自京師與衛侯鄭不同之故也舊疏云問者之意欲道僖三十年衛侯鄭歸于衛亦是天子所歸不言自京師今曹伯亦天子所歸獨言自京師文相違背上說言其所以易正猶公子喜時之力若此處并問天子有力之文卽與上說喜時言甚易也舍是無難矣注言歸自京師者之力自相違也

與內据臣子致公同文欲言甚易也舍此所從還無危難矣主所以見曹伯歸本据喜時平國反之書非錄京師有力也執歸書者賢喜時爲兄所篡終無怨心而復深推精誠憂免其難非至仁莫能行之故書起其功也疏注言歸至同文○年公至自京師相似○注欲言至難矣○通義云天子有命歸之則諸侯不得治其咎國人不得易其位故無難矣因明喜時能知尊王請命春秋乃以王命除負芻之罪也○注主所至力也○通義云倒歸文在上者若言自京師歸於曹則

嫌自者京師有力辭與歸功喜時意錯○注執歸至功也○舊疏云以僖十九年宋人執滕子嬰齊二十一年執宋公之屬皆不書其歸也若然僖二十八年晉侯執曹伯又云晉人執衛侯下云曹伯襄復歸于曹三十年衛侯鄭復歸于衛皆是見衛侯下注云執歸不書主書者名惡當見是也

九月晉人執季孫行父舍之于招丘疏左氏穀梁作召丘史記

索隱招或作召又陳杞世家乃殺陳使者索隱曰即陳司徒招招又名召招召皆从召得聲得通也詩小雅召之華釋文召徐音韶左氏襄二十九年傳見舞韶漢者釋文韶本或作招獨斷舜曰大韶一曰大招是也杜云召丘晉地

執未有言舍之者此其言舍之何仁之也疏禮記表記云仁

謂施以人恩也引此傳曰執未有言舍之者此其言舍之何

人也則鄭所見公羊本作人也正義云施人以恩謂意相愛

偶人也傳稱欲人愛此行人故特言舍之引之者證人偶相

存愛之義也又中庸云仁者人也注人也讀如相人偶之人

以意相存問之言穀梁莊元年傳接練時錄母之變始仁之

也即仁之也古人與仁通繫辭傳何以守位曰人王肅本作

仁大戴禮會子立事篇觀其所愛親可以知其人之矣謂知其

仁也墨子非命篇命者非人者之言也謂非仁者之言也呂

覽論人篇哀之以驗其人韓勅造孔子廟碑四方士仁謂士人也驗其人謂驗其仁也是也九經古義按公食大夫禮實入三揖注每曲揖及當碑揖相人偶蓋賓主揖讓互相親偶親親之意亦如之也老子道德經曰如嬰兒之未孩河上公注如小兒未能答偶人時御覽引元命包云仁者情志好生愛人故其爲人以仁其立字二人爲仁注二人言不專於己念施與也是曰在招丘惻矣注惻悲也仁之者若曰在招丘則仁之義也曰在招丘惻矣注惻悲也仁之者若曰在招丘可悲矣閔錄之辭疏注惻悲也○昭九年傳存陳惻矣釋文云歔歔也文選注引蒼頡篇歔歔泣餘聲也亦作惻史記十二諸侯年表紂爲象箸而箕子唏索隱曰歔歔蓋皆歔之借也廣雅釋詁亦云歔悲也楚辭九辯慙悽增歔離騷會歔余鬱邑兮是也方言唏痛也凡哀而不泣曰唏淮南說山訓紂爲象箸而箕子執未有言仁之者此其言人之何疏校勘唐石經諸本作仁之何此與表記注合按此誤字而有合於古者也公羊本三云人之後來皆改作仁之則此作人之爲誤字矣今按紹熙本亦作仁之何皆當如表記注所引作人字爲是十行本不誤也而人字又以作兒爲正說文下云天地之性最貴者也又凡云仁人也凡禮記中庸之仁者人也訓親愛人謂此凡字是親愛人也凡禮記中庸之仁者人也

表記之仁者人也此人也之人字皆說文凡字非人字也詩
衛風淇奥箋云謂仁於施舍亦當作几於施舍彼俗本作人
較勝於代公執也疏通義云善其以身其代公執奈何前此
元本也

者晉人來乞師而不與注不書者不與無惡疏即上夏六月

來乞師下云晉侯及楚子鄭伯戰于鄢陵楚子鄭師敗績不

見內君大夫會知其不與也○注不書至無惡○傳二十六

年公子遂如楚乞師傳乞者何卑辭也曷為以外內同若辭

重師也曷為重師師出不正反戰不正勝也注兵凶器戰危

事不得已而用之爾乃以假人故重而不別外內也故不與

無惡也按左傳云戰之日齊國佐高无咎至于師衛侯出于

衛公出于壤墳注壤墳魯邑是魯師未出竟故僑如告卻棼

有魯侯待于壤墳以待勝者之語也即上文孟獻子亦但曰

有勝矣亦不見公會晉侯注會沙隨也疏上秋公會晉侯齊

侯衛侯宋華元邾將執公季孫行父曰此臣之罪也於是執

婁人于沙隨是也將執公季孫行父曰此臣之罪也於是執

季孫行父疏孫何氏義此執季成公將會晉厲公注謂上伐

鄭言論者別嬰齊所請也明言公會晉侯者嬰齊所請事也

故下與嬰齊傳合同疏校勘記出成公將會厲公云唐石經

字襲三年疏引此文亦有晉厲公此脫晉字按紹熙本有晉

也宇紹熙本亦有別於沙隨之會即上公會尹子晉侯齊國

佐邾婁人伐鄭是也○注言諡至合同○謂此傳稱成公將

會厲公與上公會晉侯僅稱公殊也嬰齊所請者下十七年

公孫嬰齊卒于狸軫傳云前此者嬰齊走之晉公會晉侯將

執公嬰齊為公請公許之反為大夫是上言公會晉侯將執

公是上經沙隨之事嬰齊為公請者也然則沙隨之會行父

與嬰齊並請也左傳亦有子叔聲伯請季孫于晉事惟彼傳

無嬰齊出奔事又以執季孫止此若丘一次也通義云此一

事而再言之者先凡而後目也前此者以下釋代公執之意

自成公將會晉厲公以下乃申其事而詳敘之蓋晉人緣乞

師不與肅公而以會不當期為罪名耳傳本釋經經唯一書

執季孫行父而邵公言再執是不善讀傳矣按孔氏以行父

止執若丘一次仍本左氏立說詳釋傳文似是兩事公會晉

侯以下一事也成公將會晉

厲公又一事也序事甚晰

會不當期將執公季孫行父曰

臣有罪執其君子有罪執其父此聽失之大者也疏舊疏云

者失之大者矣鹽鐵論周秦云春秋日子有罪執其父臣有

罪執其君聽失之大者也今以子誅父以弟誅兄親戚相坐

什伍相連若引根本之及華葉傷小指之累四今此臣之罪體也如此則以有罪誅及無罪無罪者寡矣

也舍臣之身而執臣之君吾恐聽失之為宗廟羞也於是執

季孫行父注善其過則稱已善則稱君累代公執在危殆之

地故地言舍而月之者痛傷忠臣不得其所為代公執不稱

行人者在君側非出使疏注善其至稱君○說苑臣術云功

如此者良臣也禮記坊記云子云善則稱君過則稱已則民

作忠襄十九年君不尸小事臣不尸大事善則稱君過則稱

已則民作讓矣○注累代至其所○正以沙隨之會代公執

伐鄭會不當期又代公執是累代公執在危殆地也左傳疏

引賈云書執行父舍于荏丘言失其所不書至者刺晉聽讒

執之示已無罪也公羊禮說云問者曰必痛之何曰雜記曰

內亂不與焉外患弗辟焉其行台禮焉其志可哀也言月為

傷痛文者舊疏云正以凡執例時故也即僖四年夏齊人執

陳袁濤塗五年冬晉人執虞公之屬是也通義云內大夫無

罪被執例月義亦通○注為代至出使○文十四年冬齊人

執單伯傳執者曷為或稱行人或不稱行人傳曰稱行人而

執者以其事執也注以其所銜奉國事執之晉人執我行人

叔孫舍是也傳又曰不稱行人而執者以已執也注已者已大夫自以大夫之罪執之分別之者罪惡各當歸其本此行父既非事執亦非以已執故解之

冬十月乙亥叔孫僑如出奔齊疏包氏慎言云十月乙亥月之十三日

十有二月乙丑季孫行父及晉郤州盟于扈注行父執釋不致

者舉公至為重疏注行父至為重昭十三年晉人執季孫

三年晉人執我行人叔孫舍二十四年書隱如至自晉又二十其至此不致故解之正以書公至自會故行父致從省也

公至自會

乙酉刺公子偃疏舊疏云考諸舊本此經之下悉皆無注若有

例有罪不日無罪日者正謂此也穀梁傳先刺後名殺無罪也

皇清經解續編卷千二百四十二終

昭文孫同康參校

皇清經解續編公羊義疏五十四

九